

唐書志卷第二十一

劉

聞人詮校刊

地理四

劍南道東西道

嶺南道五管

劍南道



成都府

隋蜀郡武德元年改為益州置總管府管益綿陵遂資

嘉戎會松翼鶴南寧昆恭十七州益州領成都維九隴耶雙流

晉原青城陽安金水平泉玄武綿竹等十三縣又置唐隆道江一

二年分置印眉普榮登五州屬總管府又置新都什邡二縣三年

罷總管置西南道行臺仍分綿竹道江九隴三縣立濠州陽安金水

平泉三縣立簡州割玄武屬梓州又析置德陽新繁萬春三縣九年

罷行臺置都督府督益綿簡嘉陵眉犍印十州并督雋南會寧都督

府貞觀二年廢濠州之九隴綿竹導江來屬仍改萬春為溫江六年罷

南寧都督更置戎州都督屬益州八年兼領南金州都督十年又督

益綿簡嘉陵雅眉印八州茂興二都督十七年置蜀縣龍朔二年升
為大都督府仍置廣都縣咸亨二年置金堂儀鳳二縣其年又置
昌蒙陽二縣垂拱三年分雒九隴等十三縣置彭蜀二州其年又置
犀浦縣聖曆三年又置東陽縣天寶元年改益州為蜀郡依舊大都
督府劍南三十八郡十五載玄宗幸蜀駐蹕成都至德二年十月駕
迴西京改蜀郡為都府長史為尹又分為劍南東川西川各置節度
使廣德元年黃門侍郎嚴武為成都尹復併東西川為一節度白崖
寧鎮蜀後分為西川自後不改 舊領縣十六戶十一萬七千八百八
十九口七十四萬三百一十二漢朝蜀郡戶二十六萬八千二百七
十口一百二十四萬 天寶領縣十戶十六萬九百五十口九十二
萬八千一百九十九京師西南二千三百七十九里至東都三千二
百一十六里

成都 漢縣屬蜀郡漢朝成都一縣管戶一萬六千二百五十六
三代之時西南夷國或臣或不臣至秦漢三統蜀國戎故

其相張儀司馬錯代蜀取其地立漢中巴蜀三郡蜀王本都廣都之
樊鄉張儀平蜀後自赤里街移治於少城今州城是也蜀城張儀所
築華陽 貞觀十七年分成都縣置蜀縣在州郭下與成都分理
乾元 元年二月改為華陽新都漢縣屬廣漢郡 新繁 漢繁
縣屬蜀郡劉禪時加新字 犀浦垂拱二年分成都縣置 雙流
漢廣都縣地屬蜀郡隋置雙流縣也 廣都 龍朔三年分雙流置
取隋舊名 郫 漢縣屬蜀郡隋置濛州大業省為郫縣 温江
漢郫縣地魏蜀郡治於此隋為萬春縣貞觀元年改為温江 靈
池 夙視元年分蜀縣置東陽縣天寶元年改為靈池
漢州上 垂拱二年分益州五縣置漢州天寶元年改為德陽郡乾
元元年復為漢州領縣五戶六萬九千五百三十口八千二百三至
京師二千二百里至東都三千一百一十六里
雒 漢縣屬廣漢郡後漢置益州治於雒晉置新都郡宋齊為廣漢
郡垂拱二年置漢州皆治雒縣也 德陽後周廢縣武德三年分雒

置 什邡 漢縣屬廣漢郡後周改為方寧武德三年改為什邡雍
齒侯邑在縣北四十步 綿竹漢縣屬廣漢郡隋開皇二年置晉熙
縣十八年又改為李冰縣大業三年改為綿竹武德三年屬濛州州
廢來屬之 金堂 咸亨二年分雒縣新都置屬益州垂拱二年來屬
彭州上 垂拱二年分益州四縣置彭州天寶元年改為濛陽郡
乾元元年復為彭州領縣四戶五萬五千九百二十二口三十五萬
七千三百八十七里至京師二千三百三十九里至東都三千一百六
十九里 九隴 州所治漢繁縣地宋置晉壽郡古城在縣西北三里
梁置東益州後魏為天水郡仍改為九隴初於縣東三里置濛州大
業省武德三年復置濛州領九隴綿竹導江三縣置彭州之名也三
縣置屬益州垂拱二年屬彭州長壽二年改為周昌神龍初復置也
濛陽 儀鳳二年分九隴雒什邡三縣置屬益州垂拱三年來屬 導
江蜀置都安縣後周改為汶山武德元年改為盤龍尋改為導江三
年割屬濛州廢屬益州舊治灌口城武德元年移治導江郡垂拱二

年來屬

蜀州 垂拱二年分益州四縣置天寶元年改為唐安郡乾元元年
復為蜀州也 領縣四戶五萬六千五百七十七口三十九萬六百
九十四 至京師三千三百三十二里至東都三千一百七十二里
晉源 漢江源地屬蜀州李雄立江源郡晉改為多融縣又改為
晉原鶴鳴山在西北十里 青城 漢江源縣地南齊置齊基縣後
周改為青城山在西北三十二里舊青字加水開元十八年去水為
青 唐安 本漢江源縣地後魏於此立捷為郡及棘人道縣隋省
武德元年復置改為唐隆長壽二年為武隆先天元年改為唐安
新津 漢武陽縣屬捷為郡後周改為新津屬益州垂拱二年屬蜀
州也

眉州上 隋眉山郡之通義縣武德二年割嘉州之通義丹稜共雅
青神南安五縣置眉州五年省南安貞觀元年置龍山縣天寶元年
改為通義郡乾元元年復為眉州也 舊領縣五戶三萬六十九口

十六萬九千七百五十五 天寶戶四萬三千五百二十九口一十七萬五千二百五十六 至京師二千五百五十里至東都三千二百八十九里 通義 後漢置通縣屬齊通義郡梁改為青州後魏改為眉州後改通義為安洛又復通義隋初為廣壽改為通義武德元年於縣置唐眉州也 彭山 漢陽武縣地屬犍為晉於郡置西江陽郡後魏增置隆山郡以界內有鼎鼻山地形隆故也隋改為陵州隆山縣先天元年改為彭山也 丹稜 本南齊二樂郡後周改為洪雅縣隋改為丹稜屬嘉州武德二年來屬也 洪雅 後周洪雅鎮隋改為縣 武德九年置犍州貞觀初州廢屬眉州也 青神 漢南安縣屬犍為郡縣臨青衣江西魏置青衣縣本治思蒙水口武德八年移於今治屬眉州也

綿州上 隋金山郡武德元年改為綿州領巴西昌隆涪城魏成金山萬安神泉七縣三年分置顯武隴安文義鹽泉四縣七年省金山縣貞觀元年又省文義縣舊領縣九戶四千九百四口十九萬

二千五百六十三天寶領縣九戶六萬五千六十六口三十六萬三千二百五十二 至京師二千五百九里至東都三千二百五十九

里 巴西 漢涪縣屬廣漢郡晉置梓郡西魏置潼州隋改為綿州

煬帝改為金山郡隋改涪為巴西縣也 涪城 漢涪縣地東晉置

始平郡後魏改為涪城及潼縣隋改潼為涪城 昌明 漢涪縣地晉置涪昌縣後魏為昌隆先天元年改為昌明舊有顯武縣神龍元年改為興聖開元二年廢併入昌明仍分巴西涪城萬安三縣地置

興聖縣二十七年廢地各還本屬 魏城 隋置 羅江 漢涪縣地晉於梓潼水尾萬安故城置萬安縣後魏置萬安郡隋廢天寶元年改萬安為羅江廉泉讓水出縣北平地也 神泉 漢涪城地晉置西園縣隋改為神泉以縣西泉能愈疾故也 鹽泉 武德三年

分涪城置也 龍安 隋金水縣武德三年復置改為龍安 西昌 隋金山縣隋末廢永淳元年復置改為西昌也

劍州 隋普安郡武德元年改為始州領縣七聖曆二年置劍門縣

先天二年改始州為劍州天寶五年改為普安郡乾元元年復為劍州也 舊領縣七戶三萬六千七百一十四口十九萬九千六百六十二里至東都二千五百六十里 寶領縣八戶二萬三千五百一十口一十萬四千五百五十一 至京師一

普安 漢梓潼縣廣漢郡治也宋置南安郡梁州又改為安州西魏改為始州兼置普安郡武德三年復為始州皆治於普安也 黃安

梁分梓潼縣置梁安縣尋改為黃安 永歸 隋分梓潼縣置

梓潼 漢縣蜀先分廣漢置梓潼西魏改為潼川郡隋為梓潼縣後魏自治縣移梓郡於今縣屬始州仍改郡為縣也 陰平 晉流人入蜀於縣置北陰平郡山北有十八隴山山有隴十八也 武連

漢梓潼縣地宋置武都郡及下辯縣又改下辯為武功後魏改為武連也臨津 漢梓潼縣地南齊置相厚縣隋改為臨津也 劍門

聖曆二年分普安永歸陰平三縣地於方期驛城置劍門縣界大劍山即梁山也其北三十里所有小劍山大劍山有劍閣道三十里至

劍處張載刻銘之所劍山東西二百三十一里

梓州上 隋新城郡武德元年改為梓州領射洪鹽亭飛鳥四縣

三年又以益州玄武來屬四年又置永泰縣調露元年置銅山縣天

寶元年改為梓潼郡乾元元年復為梓州乾元後分蜀為東西川梓

州恒為東川節度使治所 舊領縣七戶四萬五千九百二十九口

二十四萬八千三百九十四 天寶領縣八戶六萬一千八百二十

四口二十四萬六千六百五十二 至京師二千九百里至東都二

千九百五十二 郡 漢縣屬廣漢郡歷晉宋齊不改梁於縣置新州

西魏改為昌城郡隋改為梓州煬帝改為新城郡二城左帶潼水右

挾中江鄰居水陸之要梓州所治以梓潼水為名也 射洪 漢郡

縣地後魏分置射洪縣婁縷灘東六里有射江語訛為洪 通泉

漢廣漢縣地乃隋縣也 玄武 漢底道縣屬蜀郡晉改為玄武武

德元年屬益州三年割屬梓州也 鹽亭 漢廣漢縣地梁置鹽亭

縣也 飛鳥 漢郡縣地隋置飛鳥鎮又改為縣取飛鳥山為名也

永泰 武德四年分鹽亭武安二縣置 銅山 調露元年分郡

飛鳥二縣地置也閬州 隋巴西郡武德元年改為隆州領閬中南

部倉溪南充相如西水三城奉國儀隴大寅屬蓬州十縣其年又立

辯丹思恭二縣四年以南充西水屬果州儀隴大寅屬蓬州又置新

政七年又以奉國屬西平州還以奉國來屬又省思恭入閬中縣先

天元年改為閬州天寶元年改為閬中郡乾元元年復為閬州

舊領縣八戶三萬八千九百四十九口二十七萬三千五百四十三

今領縣九戶二萬五千五百八十八口十三萬二千一百九十二

至京師一千九百一十五里至東都二千七百六十里

閬中 漢縣屬巴郡梁置北巴州西魏置隆州及盤龍郡煬帝改為

巴郡武德為隆州皆治閬中閬水迂曲經郡三面故曰閬中隋為閬

內也 晉安 漢閬中縣地梁置金匱二又為金遷郡隋省郡改為

晉城武德改為晉安也 南部 後漢分閬中置充郡國縣屬巴郡

又分置南充國郡梁改為南充郡國隋改為南部也 蒼溪 後

分宕渠置漢昌縣屬巴郡隋改漢昌為蒼溪也 西水 漢閬中縣

池梁置掌夫城後周改為西水縣 奉國 後漢分閬中置武德七

年屬西平州貞觀元年還屬隆州 新井 漢充國縣地武德元年

分南部晉安二縣置界內有鹽井 新政 武德四年分南部相如

兩縣置 岐坪 舊屬利州開元二十三年來屬也

果州中 隋巴西郡之南充縣武德四年割隆州之南充相如二縣

置果州因果山為名又置西充郎池二縣天寶元年為南充郡乾元

元年復為果州也 舊領縣四戶一萬三千五百一十口七萬五千

八百一十一 天寶領縣六戶三萬三千九百四口八萬九千二百

二十五 至京師二千五百五十八里至東都三千四百二十三里

南充 漢安漢縣屬巴郡宋於安漢故城置南充渠郡隋改安漢

為南充果山在縣南八里 相如 漢安漢縣地梁置梓潼郡周省

郡立相如縣以縣城南二十里有相如故宅二相如坪有琴臺 流

溪 開耀元年析南充縣於溪水側置也 西充 武德四年分南

充置有西充山 郎池 武德四年分相如置 岳池 萬歲通天

二年分南充相如二縣置初治思岳池開元二十年移治今所

遂州中 隋遂寧郡武德元年改為遂州領方義長江青石三縣二

年置總管遂梓資普四州貞觀罷總管十年復置都督督果普合四

州十七年罷都督府天寶元年改為遂寧郡乾元元年復為遂州

舊領縣三戶一萬二千九百七十七口六萬五千四百六十九 天

寶領縣五戶二萬五千六百三十二口十萬七千七百一十六里

至京師二千三百二十九里至東京三千一百六十六里

方義 漢廣縣屬廣漢郡宋置遂寧郡齊梁加東字後周改東遂寧

為遂州後魏改廣漢為方義 長江 東晉巴興縣魏改為長江舊

治靈鷲山上元二年移治白桃川也 蓬溪 永淳元年分方義縣

置唐興縣長壽二年改為武豐神龍初復景龍二年分唐興置唐安

縣先年二年廢唐安縣移唐安廢縣置天寶元年改唐興為蓬溪也

青石 東晉興縣後魏改為始興隋改始興為青石以縣界有青石

祠也 遂寧 景龍元年分置

晉州中 隋資陽郡之安岳縣武德二年分資州之岳隆康居晉

四縣置晉州三年又置樂至龍龕二縣天寶元年改為安樂郡乾元

元年復為晉州 舊領縣六戶二萬五千八百四十口六萬七千三

百二十 天寶領縣四戶二萬五千六百九十三口七萬四千六百

九十二 至京師二千三百六十里至東都三千二百二里

安岳 漢犍為巴郡地資中牛鞞蟄江三縣地李雄亂後為僚所據

梁招撫之置晉慈郡後周置晉州隋省武德二年復置安岳為治所

安居 後周柔剛縣屬安居郡隋改柔剛為安居柔剛山在縣東二

十步舊治柔剛山天授二年移理張柵也 普康 後周永唐縣隋

改為永康移治伏強城尋改為隆康先天元年改為普康也 崇龕

後周隆龕城隋為隆龕縣舊治整瀨川又視元年移治波羅川先

天元年為崇龕隆龕山在縣西三里也

陵州中 隋隆山郡武德元年改為陵州領仁壽貴平井研始建隆

山五縣貞觀元年割隆山屬眉州天寶元年改為仁壽郡乾元元年復為陵州也 舊領縣四戶一萬七千四百四十一口八萬一百一十 天寶領縣五戶三萬四千七百二十八口一十萬一百二十八 至京師二千五百一十里至東都三千四百八十四里

仁壽 漢武陽縣東境屬犍為郡晉置西城戍以為井防後魏平蜀改為普寧縣後周置陵州以州南陵井為名隋改普寧為仁壽所治也 貴平 漢廣都縣之東南地屬郡後魏置和仁郡仍立平井貴平可曇 縣舊治和仁城開元十四年移治禰川也 井研 漢武

陽縣地東晉置西陽郡魏置蒲亭縣隋改為井研武德四年自擁思范水移治今所也 始建 漢武置建始鎮五年改鎮為始建縣舊治擁思水聖曆二年移治榮社山 籍 梁席郡一名漢陽成永徽四年分貴平置

資州上 隋資陽郡武德元年改為資州領盤石內江安岳普慈中居隆唐陽大牢威遠屬榮州二年分安岳居隆唐普慈安岳四縣

州貞觀四年置丹山縣天寶元年改為資陽郡乾元元年復為資州乾元二年正月分置昌尋廢也 舊領縣八戶二萬九千三百四十七口十五萬二千一百三十九 天寶戶二萬九千六百三十五

十萬二千七百七十五 至京師二千五百六十里至東都三千五百一十里 盤石 漢資中縣屬犍為縣後周於今簡州陽安縣移

資州於漢資中故城為治所仍改資中為盤石今州治 資陽 後周分資中置縣在資水之陽也 牛鞞 漢資中縣為盤地隋分置牛鞞縣漢有牛鞞縣屬犍為郡此非也洛水一名牛鞞水音必反 內

江 漢資中縣地後漢於中江水濱置漢安戍其年改為中江縣因其北江乃云中隋改為內江漢安故城今縣治也 月山 資中地義寧二年置 龍水 資中地義寧二年置 銀山 資中地義寧

二年置 丹山 漢資中地貞觀四年置六年併入內江七年又置榮州中 隋資陽郡之牢縣武德元年置榮州領大牢威遠二縣貞觀二年置旭川婆日至如二縣二年割瀘州之隆越來屬三年自公

井移州治大牢仍割嘉州資官來屬八年又割瀘州之和義來屬廢
婆日至如越隆三縣永徽二年移州治旭川天寶元年改為和義郡
乾元元年復為榮州 舊領縣六戶一萬二千二百六十二口五萬
六千六百一十四 天寶戶五千六百三十九口一萬八千二十四
至京師二千九百七十二里至東都二千七百十九里

大牢 漢南安縣屬犍為郡隋置大牢鎮尋改為縣武德元年割資
州之大牢威遠二縣於公井鎮置榮州取界內榮德山為名又改公
井為縣六年自公井移州治於大牢縣也 公井 漢江陽縣屬犍
為郡後周置公井鎮武德元年鎮置榮州改為公井縣貞觀六年治
移於大牢也 威遠 漢安縣地屬犍為郡隋於舊威遠置縣武德
初屬資州其年割屬榮州也 旭川 貞觀元年分大牢縣置 資
官漢南安縣地晉置資官縣武德初屬嘉州六年來屬 和義 漢
安仁縣地隋置和義縣

簡州 隋蜀郡之陽安縣武德二年分益州置天寶元年改為陽安

郡乾元元年復為簡州 舊領縣三戶一萬三千八百五十口七萬五
千一百三十三 天寶戶二萬三千六十六口四十四萬三千一百九
十 至京師西南二千七百里至東都三千六百里 陽安 漢牛
鞞縣屬犍為郡後魏置陽安縣又分陽安平泉資陽三縣置簡州取
界內賴簡池為名 金水 漢新都縣屬廣漢郡晉將朱齡石於東
山立金水戍後魏立金水郡分置金水白年二縣隋改為金潤屬蜀
郡武德初為金水三年屬簡州縣有金堂山 平泉 漢牛鞞縣地
後魏置婆潤縣隋移縣治於賴黎池仍改為平泉縣縣之旁池湧泉
故也

嘉州中 隋眉山郡武德元年改為嘉州領龍遊平羗夾江戎眉玉
津綏山通義洪雅丹稜青神南安五縣置眉州貞觀六年改資官屬
榮州上元元年以戎州之犍為來屬天寶元年改為犍為郡乾元元
年復為嘉州三月劔南節度使盧元裕請升為中都督府尋罷 舊
領縣六戶二萬五千八十五口七萬五千三百九十一 天寶領縣

八戶三萬四千二百八十九口九萬九千五百九十一 至京師二
七千二百二十里至東都三千五百里 龍遊 漢南安縣地屬犍為
後郡周置平羗縣隋初為犍眉縣又改為青衣縣隋伐陳時龍見于
中江引舟乃改為龍遊縣也州臨大江為名 平羗 後周置也
犍眉漢南安縣隋置犍眉縣取西山名也 夾江 漢南安縣地隋
分龍遊平羗三縣於涇上置夾江縣今北八十里有夾江廢戍即涇
上也舊治涇上武德元年移於今治也 玉津 漢南安縣地隋
置玉津縣江中出壁故也 綏山 隋招致生獠於榮樂城置綏山
縣取旁山名也 羅目 麟德二年開生獠置沐州及羅自縣上元
三年俱廢儀鳳三年又置治施和城屬嘉州如意元年又自犍眉縣
界移羅目治於今所也 犍為 本漢都因山立名舊屬戎州上元
元年改屬嘉州

邛州上 隋臨邛郡之依政縣武德元年割雅州之依政臨邛蒲江
火井五縣置邛州於依政縣三年又置安仁縣顯慶三年移州治於

臨邛天寶元年改為臨邛郡乾元元年復為邛州 舊領縣六戶一
萬五千八百八十六口七萬二千八百五十九 天寶領縣七戶四
萬二千一百七口十九萬三千二百二十七 至京師西南二千五百一
十五里至東都三千三百七十一里 臨邛 漢縣屬蜀郡邛水出
嚴道邛來山入青衣江故云臨邛晉於益州唐隆縣置臨邛縣後魏
平蜀自唐隆移臨邛縣治於漢臨邛縣西立臨邛郡隋罷郡移臨邛
縣於今所治有火井銅官山也 依政 秦蒲陽縣漢臨邛縣梁置
邛州於蒲江領後魏改為蒲陽郡置依政縣隋改為臨邛郡治依政
梁魏邛州在今縣西南二里後周移治於今所後移治於臨邛 安
仁 秦臨邛縣地武德三年置安仁縣貞觀十七年廢咸亨初復置
大邑 咸亨二年分益州晉原縣置也 蒲江 漢臨邛縣地後魏
置廣定縣 隋改為蒲江南枕蒲水故也 臨溪 後魏分臨邛縣
置也火井 漢臨邛縣地周置火井鎮隋改鎮為縣也
雅州下都督府 隋臨邛郡武德元年改為雅州領嚴道名山廬山依

政臨卽蒲江臨漢陽漢源火井長松靈關楊啓嘉良大利陽山十
六縣其年割依政臨卽蒲江臨溪火井五縣置卽州漢源陽山二縣
置登州一年置榮經縣六年省嘉良楊啓大利靈關蒙陽長松六縣
九年廢登州遠以陽山漢源來屬貞觀二年又以陽山漢源屬雋州
八年又置百丈縣永徽五年以雋州漢源來屬儀鳳四年置飛越文
堤二縣大足元年又割漢源飛越二縣置黎州神龍三年廢黎州漢
源飛越屬雅州開元三年又割二縣置黎州又置都督府天寶元年
改為盧山郡乾元元年復為雅州都督府屬一十九州也 舊領縣
五六一百六十二口四萬一千七百一十三 天寶戶一萬八百
九十一 萬四千四百一十九 至京師西南二千七百二十三
里至東 五百一里 嚴道 漢縣屬蜀郡晉末大亂夷獠據
之後魏開生獠於此置蒙山郡領始陽蒙山二縣隋改始陽為嚴道
蒙山為名山仁壽四年置雅州煬帝改為嚴道 盧山 漢嚴道地
隋置盧山鎮又改為縣盧山在縣西北六十里章盧山下有山峽口

三丈長二百步俗呼為盧關關外即生獠也 名山 嚴道

置蒙山縣隋改為名山也 百丈 漢嚴道縣地在漢臨卽南百

二十里有百丈山武德置百丈鎮貞觀八年改鎮為縣 榮經 漢

嚴道縣地武德三年置榮經縣縣界有卽來山九折故銅山地

雅州都督一十九州並生羗生獠羸州無州縣

壽梁州 東石孔州 西石孔州 林波州 涉卽州

汶東州 金林州 費林州 徐渠州 會野州

雅州 中川州 鉗矢州 強雞州 長臂州

楊常州 林燒州 當仁州 當馬州

皆天寶已前歲時貢奉屬雅州都督

黎州下 雅州之漢源縣大足元年割漢源飛越二縣及雋州之

山置黎州天寶元年改為洪源郡乾元元年復為黎州領羸州十

五州也 領縣三戶一千七百三十一口七千六百七十八

二千九百五十里至東都三千七百里 漢源 越雋郡之

漢源縣長安四年巡察使奏置黎州後使宋乾徽奏廢入雅州大足元年又置黎州神龍三年廢開元三年又置黎州南沈黎州為名州所治 飛越 儀鳳四年分漢源於飛越水置縣屬雅州大足元年屬黎州長安二年廢大渡縣併入神龍三年屬雅州開元二年又屬黎州也 通望 舊陽山縣屬焉州大足元年屬黎州神龍元年又屬焉州開元元年卻屬黎州天寶元年改為通望也 黎州統制五十五州皆徼外生獠無州羈縻而已

羅巖州 索古州 秦上州 輒榮州 劇川州

合欽州 蓬州 栢坡州 博盧州 明川州

龍波州 蓬矢川 大渡州 米川州 木屬州

日東州 諾荏州 甫嵐州 昌明州 歸化州

象州州 叢亨州 和良州 和都州 附樹州

東川州 上貴州 滑川州 比川州 吉川州

比地州 蒼樂州 野川州 印陳州

貴林州 護川州 牒琮州 浪嶺州 郎郭州

上欽川 時蓬州 儼馬州 檄查州 印川州

護邛州 脚川州 開望州 上蓬州 比蓬州

刺重州 久護州 瑤劍州 明昌州

瀘州下都督府 隋瀘川郡武德元年改為瀘州領富井江安綿水

合江寧鳳和義七縣武德三年置總管府一州九年省來鳳貞觀元

年省思隸思逢施陽三縣仍置涇南縣又省施陽縣十三年省思隸

思逢二縣十七年置溱珍二州儀鳳二年又置晏納奉浙鞏慶一州

載初二年置州天授元年置思吳州又視元年置清州二年罷州並

屬瀘州都督凡十州天寶元年改為瀘川郡依舊都督乾元元年復

為瀘州 舊領縣六戶一萬九千一百一十六口六萬六千八百二

十八 天寶戶一萬六千五百九十四口六萬五千七百一十一

至京師西南三千三百里至東都四千一百九十六里 瀘川 漢

江陽縣地屬捷為郡梁置瀘川故以江陽為瀘川縣州所治也 富

義 隋富世縣貞觀二十三年改為富義縣界有富世鹽井井深二百五十尺以達鹽泉俗呼玉女泉以其井出鹽最多人獲厚利故云富世 安江 漢陽縣地晉時生獠攻郡破之又置漢安縣隋改為江安也 合江 漢江符縣地屬犍為郡晉置安樂縣後周改為合江也 綿水 漢江陽縣地晉置綿水縣當綿水入江之口也 涪南貞觀八年分瀘川置在涪水之南

瀘州都督十州皆招撫夷獠置無戶口道里羈縻州

納州 儀鳳二年開山洞置天寶元年改為都寧郡乾元元年復為納州 領縣八 並與州同置 羅圍 播羅 施陽 都寧 羅當羅監部 胡茂

薛州 儀鳳二年招生獠置天寶元年改為黃池郡乾元元年復為薛州也 領縣三 與州同置 枝江 黃池 播陵

晏州 儀鳳二年開山洞置天寶改為羅陽郡乾元元年復為晏州也 領縣七與州同置 思義 新賓 扶來 思安

岡 羅陽

鞏州 儀鳳二年開山洞置天寶改為因忠郡乾元元年復為鞏州也 領縣四與州同置 多樓 波負 比求 播郎

順州 載初二年置 領縣五與州同置 曲水 順山 霽巖 來猿 龍池

奉州 儀鳳二年置 領縣三與州同置 柯理 柯巴 羅蓬 恩義州 天授三年置 領縣二與州同置 多溪 洛溪

龍州 六足元年置 領縣四與州同置 寧 來銀 菊池 猿山

涪州 久視元年置 領縣四與州同置 新定 涪川 固城 居牢

浙州 儀鳳二年置 領縣四與州同置 浙源 越賓 洛川 鱗山

茂州都督府 隋汶山郡武德元年改為會州領汶山北山汶川左

封通化翼斜交川翼水九縣其年割翼斜左封翼水三縣置翼州以
交川屬松州三年置總管府管會翼二州四年改為南會州七年改
為都督府督南會翼向維州寤炎徽竿十州貞觀八年改為茂州以
郡界茂濕山為名仍置石泉縣天寶元年改為通化郡乾元元年復
為茂州也 舊領縣四戶三千三百八十六口五萬三千七百六十
一 天寶戶二千五百一十口一萬三千二百四十二 至京師西
南二千七百九十四里至東都三千一十四里 汶山 漢汶江縣
屬蜀郡故城在今縣北二里舊駙舟地晉汶山郡宋廣陽縣周為汶
州置汶山縣隋初改為蜀州又改為會州貞觀八年改為茂州 汶
川 漢綿虎縣地屬蜀郡晉置汶川縣後周移文川於廣陽縣齊州
置即今治也玉疊山在縣東北四里石鈕山亦在縣界永徽二年廢
汶川縣併入 石泉 漢岷山縣地屬蜀郡貞觀八年置石泉縣也
通化 漢廣柔縣地屬蜀郡後周置石門鎮隋改為金山鎮尋改為
通化也

茂州都督府羈縻州十維翼兩州後進為正州相次為正者七今附
於都督之下

翼州下 隋汶山郡之翼斜縣武德元年分置翼州六年自左封移
州治於翼斜咸亨三年置都督府移就悉州城內上元二年罷都督

舊領縣移還舊治天寶元年改為臨翼郡乾元元年復為翼州也
舊領縣三戶一千六百二口三千八百九十八 天寶領縣 戶七
百一十一口三千六百一十八 至京師西南二千九百三十五里
東都三千二百七十八里 衛山 漢蠶陵縣屬蜀郡故城在縣西

有蠶陵山隋改為翼斜縣治七項城貞觀十七年移治七里溪天寶
元年改為衛山 翼水 漢蠶陵縣隋置翼水縣也 鷄川 昭德
二縣開生獠新置

維州下 武德元年白苟羗降附乃於姜維故城置維州領金川定
康二縣貞觀元年羗叛州縣俱罷二年生羗首領芷占者請夷復立
維州移治於姜維城東始屬茂州為羈縻州麟德二年進為正州尋

叛羗降為羈縻州垂拱三年又為正州天寶元年改為維川郡乾元元年復為維州上元元年後河西隴右州縣皆陷吐蕃贊普更欲圖蜀川累急攻維州不下乃以婦人嫁維州門者二十年中生二子及蕃兵攻城二子內應城遂陷吐蕃得之號無憂城累入兵寇擾西川羗臯在蜀二十年收復不遂至大中末杜悰鎮蜀維州首領內附方復隸西川 舊領縣三戶二千一百四十二無口 天寶領縣二戶十千一百七十九口三千一百九十八 至京師二千八百三十里至東都三千五百六十三里 薛城 漢已前徼外羗舟駝之地蜀劉禪時蜀將姜維馬忠等討汶山叛羗即此地也今州城即姜維故壘也隋初蜀師討叛羗於其地置薛城戍大業末又沒於羗武德七年白苟羗酋鄧賢佐內附乃於姜維城置維州領金川定廉二縣貞觀元年賢佐叛罷郡縣三年左上封生羗酋董屈占等舉族內附復置維州及二縣薛城在州西南二百步也 小封 咸亨二年刺史董弄招慰生羗置也

塗州下 武德元年臨塗羗歸附置塗州領端源婆覽 縣貞觀二年州縣俱省五年又分茂州之端源戎置塗州也 領縣三戶二千三百三十四口四千二百六十一 京師西南二千六百八十九里 端源 臨塗 悉憐 三縣與州同置

炎州下 貞觀五年六羗歸附置西封州八平改為炎州 領縣三與州同置 大封 慕仙 義川 領戶五千七百無口數 在京師西南三千三百七十六里

徹州下 貞觀五年西羗首領董涓貞歸化置 領縣三與州同置 文徹 俄耳 文進 領戶三千三百無口數 京師西南三千四百一十八里

向州下 貞觀五年生羗歸化置也 領縣三與州同置 具左 向貳 領戶一千六百二口三千八十九十八 在京師西南二千八百六十九里

冉州下 本徼外歛才羗地貞觀五年置西冉州九年去西字 領

縣四與州同置 冉山 磨山 玉溪 金水 領戶一千三百七十口在京師西南三千七百三十九里

穹州下 貞觀五年生羌歸附置西博州八年改為穹州 領縣五與州同置 領戶三千四百三十六口在京師西南三千二百六十七里

笮州下 貞觀七年白苟羌降附置西恭州八年改為笮州也 領縣三與州同置 遂都 亭勸 北思 無口戶 在京師西南二十九百四十五里 右九州皆屬茂州都督 永徽後又析為三十

一州今不錄

戎州中都督府 隋犍為郡武德元年改為戎州領犍道犍為南溪開邊都五縣貞觀四年以開邊屬南通州六州置都督府督戎郎昆曲協紫盤曾鈞公分尹匡哀宋靡姚徽十七州八年置撫來縣仍改南通州為賢州以開邊來屬天寶元年改為南溪郡依舊都督羈縻三十六州一百三十七縣並荒梗無戶口乾元元年復為戎州 舊

領縣六戶三萬一千六百七十口六萬一千二十六 天寶領縣五

戶四千三百五十九口一萬六千三百七十五 在京師西南三千

一百四里至東都四千四百八十里 犍道 漢縣犍為郡治所故

犍侯國梁置戎州也 南溪 漢南廣縣屬犍為郡後周於廢郡置

南武成隋改龍源戍又置為南溪縣也 義賓 本漢南安縣屬犍

為郡隋改為郁郾縣 天寶元年改為義賓 開邊 漢犍道地隋

置開邊縣也 歸順 聖曆二年分郁郾縣置以處生獠也

戎州都督府羈縻州十六武德貞觀後招慰羌戎開置也

協州下 隋犍為郡之地古夜郎侯國武德元年開南中置也 領

縣三與州同置 東安 西安 湖津 領戶三百二十九 在京

師西南四千里北接戎州也

曲州下 武德元年開南中置恭州八年改為曲州 領縣二與州

同置 朱提 武德元年置安上縣七年改為朱提 唐興 領戶

一千九十四 在京師西南四千三百三十里北接協州

郎州下 武德元年開南中置南寧州乃立味同樂并麻同起新豐隴隄泉麻梁水降九縣武德四年置總管府管南寧恭協昆尹曾姚西漢西宋九州五年罷總管其年冬復置寄治益州七年改為都督督西寧豫西利南雲磨南龍七州并前九州合十六州仍謂南寧州之降縣屬西寧州八年自益州移都督於今治貞觀六年罷都督置刺史八年改南寧為郎州也 領縣七戶六千九百四十二 京師西南五千六百七十里比接曲州也 味 隋廢同樂縣武德元年復置改名味音味 同樂 升麻 同起 新豐 隴隄 泉麻 並與州同置

昆州下 漢益州郡地武德初招慰置 領縣四與州同置 益寧

晉寧 有滇池周三百里 安寧 秦藏 漢縣 領戶一千二百六十七 在京師西南五千三百七十里比接嵩州

盤州下 武德七年明置西平州貞觀八年改為盤州 領縣三與州同置 附庸 平夷 盤水 即舊興古郡也 領戶一千九百

六十 京師西南五千三十里比接郎州南接交州

黎州下武德七年析南寧州置西寧州貞觀八年改為黎州 領縣二二縣本屬南寧 梁水 絳 領戶一千 至京師無里數比接

昆州 匡州下 武德七年開置南雲州貞觀三年改為匡州也 領縣二與州同置 勃弄 匡川 縣界有永昌故城也 領戶四千八千

京師西南五千一百六十五里

鬲州下 武德四年置西濮州貞觀十一年改為鬲州也 領縣四與州同置 濮水 青蛉 舊屬越雋郡 歧星 銅山 領戶一

千三百九十 在京師西南四千八百五十里南接姚州也

尹州下 武德四年置 領縣五與州同置 馬邑 天池 鹽泉 甘泉 涌泉 領戶一千七百無里數接鬲州

曾州下 武德四年置 領縣五與州同置 曾 三部 神泉 龍亭 長和 領戶一千二百七 在京師西南五千一百四十五

里西接匡州

鈞州下 武德七年置南龍州貞觀十一年改為鈞州也 領縣一

與州同置 望水 唐封 領戶一千 京師西南五千六百五十

里東北接昆州

靡州下 武德七年置西豫州貞觀三年改為靡州 領縣一與州

同置 磨豫 七部 領戶一千二百 在京師西南四千九百四

十五里南接姚州

哀州下 武德四年置 領縣二與州同置 揚彼 強樂 領戶

十千四百七十 在京師西南四千九百七十里南接姚州

宋州 武德四年置西宋州貞觀十一年去西字 領縣三與州同

置 宗居 石塔 河西 領戶一千九百三十 在京師西南五

千一十里北接姚州

徽州下 武德四年置利州貞觀十一年改為徽州領縣二與州同

置 深利 十部 領戶一千一百五十 在京師西南四千九百

七十里東接靡州

姚州 武德四年置在姚府舊城北百餘步漢益州郡之雲南縣古

滇王國楚項襄王使大將莊跨泝沅水出苴蘭以伐夜郎屬秦奪楚

黔中地躡無路能還矯遂自王之秦并蜀通五尺道置吏漢武開四

南夷置益州郡雲南即屬邑也後置永昌郡雲南哀牢博南皆屬邑

也蜀劉氏分永昌為建寧郡又分永昌置寧州武德四年安撫大使李英以此

晉改為晉寧郡又置寧州武德四年安撫大使李英以此

州內人多姓姚故置姚州管州三十二麟德元年移姚州始於弄棟

川自是訥貢不絕天寶末楊國忠用事蜀帥撫慰不謹蠻王閣羅鳳

不恭國忠合鮮于仲通興師十萬渡瀘討之大為羅鳳所敗鎮蜀蠻

帥與牟尋歸國遂以韋臯為雲南安撫大使命使冊拜謂之南詔大

和中外元頡鎮蜀蠻王離顛侵蜀自是或臣或否咸通中結構南海

蠻皆成蜀部西南夷之中南詔蠻最大也 領縣一戶三千七百

至京師四千九百里 瀘南 縣在瀘水之南 長明

右十六州舊屬戎州都督天寶已前朝貢不絕

嵩州中都督府 隋越雋郡武德元年改為雋州領越雋邛都可蘇
祈臺登六縣二年又置昆明縣三年置總管府管一州二年割雅州
陽山漢源二縣來屬八年又置和集縣天寶元年越雋郡依舊都督
府乾元元年復為雋州也 舊領縣十戶二萬三千五百四十四口五萬
三千六百一十八 天寶領縣七戶四萬七百二十一口七萬五千
二百八十 在京師西南三千六百五十四里 越雋 漢郡名武
帝置今縣漢邛都縣地屬越雋郡有越水雋水後周於越城置嚴州
隋改為西寧州尋改雋州仍分邛都置越雋縣州所治也 邛都
後漢屬越雋郡 漢蘭縣地屬沈黎郡後周置邛都縣也 臺登
漢縣屬越雋郡 蘇祈 漢蘇夷縣屬越雋郡後周平南夷於故城
復置也 西瀘 漢邛都縣地梁置可縣隋治姜磨戍武德七年移
於今天寶末年改為西瀘也 昆明 漢定祚縣屬越雋郡後周置
定祚鎮武德二年鎮為昆明縣蓋南接池故也 會川 上元二年

移邛都縣於會川置因改為會川也

松州下都督府 隋同昌郡之嘉城縣武德元年置松州貞觀二

年置都督府岨訶崆閣隣雅叢可遠奉嚴諾我彭軌蓋直肆位王

璋祐序等二十五羈縻等州永徽之後生羌相繼忽叛屢有廢置

儀鳳二年復加整比督文扶當祐靜翼六州都督羈縻三十八州

研州劍州深那州忙州毗州河州幹州瓊州犀州拱州龕州陪州

如州麻州霸州瀾州光州至涼州蠶州暉州黎州思帝州成州統

州穀 邛州樂客州達違州卑州慈州據天寶十二載簿松州都

督府一百四州其二十五州有額戶口多但羈縻迹散餘七十九

州皆生羌部落或臣或否無州縣戶口但羈縻統之天寶元年改

松州為交州郡乾元元年復為松州據貞觀初分十道松文扶當

悉柘靜等屬隴右道永徽之後據梁州之境割屬劍南道也 舊

領縣三戶六百一十二口六千三百五 天寶戶一千七十六口

五千七百四十二南至翼州一百八十里東至扶州三百三十八

里東至茂州三百里西南至當州三百里西北至吐蕃界九十里至京師二千二百五十里至東都三千五百里 嘉誠 歷代生羗之地漢帝招慰之置護羗校尉別無州縣至後魏時白水羗象舒活自稱至之據此地其子舒彭遣使朝貢乃拜龍驤將軍甘松縣子始置甘松縣魏末大亂又絕後周復招慰之於此置龍洞防天和六年改置扶州領龍洞郡隋改甘松為嘉誠縣屬同昌郡武德元年於縣置松州取州界甘松嶺為名 交川 後周置龍洞郡隋廢為交川縣也 平康 垂拱元年割交川及當州通軌翼斜三縣置平康縣屬當州天寶元年改為交川郡也 文州 隋武都郡之曲水縣義寧二年置陰平郡領曲水長松正西三縣武德改文州貞觀元年省正西入曲水天寶元年改為陰平郡乾元元年復為文州舊屬隴右道隸松州都督永徽中改屬劔南道也 舊領縣二戶一千九百八口八千一百四十七 天寶戶一千六百八十六口九千二百五 京師西南一千四百九

十里至東都二千二百九千里 曲水

漢陰平道屬廣漢晉

茂搜據為仇池互羗相傳疊代後魏平互羗始置文州隋為曲水縣武德後置文州治於曲水也 長松 後魏置盧北郡郡置建昌縣

後周移郡縣於此置隋廢郡改縣為長松白馬水在縣北也

扶州 隋同昌郡武德元年改為扶州天寶元年復為同昌郡乾元

元年復為扶州舊屬隴右道隸松州都督永徽後改為劔南道

舊領縣四戶一千九百二十八口八千五百五十六 天寶戶二

千四百一十八口一萬四千二百八十五

京師西南一千六

百九十里至東都二千四百四十九里 同昌 歷代吐谷渾

所據西魏逐吐谷渾於此置鄧州及鄧寧郡蓋以平定鄧至羗為各

隋初改置扶州及同昌縣煬帝文為同昌郡流於此也 帖夷

後魏置帖夷郡隋罷為縣萬歲通天二年改為武進神龍依舊為帖

夷 萬全 後魏置武進郡又改為上安郡隋廢郡為尚安縣

舊治刺利村長安二年移治黑水堡至德二年八月改為萬全也

鉗川 後魏置鉗川郡隋罷郡復為縣

龍州下 隋平武郡武德元年改為龍門郡其年加西字貞觀元

年改為龍門州天寶元年改為油江郡乾元元年復為龍州舊屬隴

右道永徽後割屬劔南也 舊領縣二戶一千一十七口六千一

百四十九 天寶戶二千九百九十二口四千二百二十八

京師西南二千六百六十里至東都三千一十五里 油江

秦漢曹魏為無人之境鄧艾伐蜀由陰道景谷行無人之地七百里

鑿山通道攀木緣崖魚貫而進以至江即此城也晉始置陰平郡於

此置平武縣至梁有楊李二姓大豪分據其地後魏平蜀置龍州隋

初廢郡改平武為油江縣界有石門山 沔川 後魏為盤縣天寶

元年改為清川也

當州下 本松州之通軌縣貞觀二十一年析置當州以上出當歸

為各州治利川鎮通軌左封二縣顯慶二年又析左封置悉州儀鳳

二年移治左封天寶元年改為油江郡乾元元年復為當州

隴石道也 領縣三戶二千一百四十六口六千七百一十三

至京師三千一百里至東都三千九百里東北到松州九百里

通軌 本屬松州歷代生羌之地貞觀二十年松州首領董和那

蓬固守松府特勅於通軌縣置當州以蓬為刺史顯慶元年蓬嫡子

屈審襲繼為刺史又置和利谷利平唐三縣也 和利 顯慶二年

分通軌置 谷利 文明元年開生羌置也

悉州 本翼州之左封縣顯慶元年置悉州領悉唐左封識曰三縣

治唐城城元年移治左封儀鳳二年羌叛又寄治當州城內尋歸舊

治垂拱二年置歸誠縣載初元年移治匪平川天寶元年改為歸誠

郡割識曰屬臨翼郡乾元元年復為悉州舊屬隴右道松州都督後

屬劔南道 領縣一戶八百一十六口三千九百一十四 至京師

二千七百五十里至東都三千八百里至西靜州六十里西北至當

州八十里也 左封 本屬翼州在當州東南四十里顯慶元年生

羌首領董係比射內附乃於置悉州州在悉當川故也以重係比為

刺史領左封歸誠二縣載初元年又移州理東南五十里匪平川置也 歸誠 垂拱二年分左封置

靜州 本當州之悉唐縣顯慶元年於縣置悉州咸亨元年於悉州置翼州都督府移悉州理左封置儀鳳二年罷都督府翼州却還治於翼斜縣於悉唐縣置南和州天授二年改為靜州比屬隴右道隴州都督後割屬劔南 領縣二戶一千五百七十七口六千六百六十九東北至當州六十里東至悉州八十里 至京師與當州道里數同也 悉唐 縣置在悉唐川舊屬當州顯慶中來屬也

靜居 縣界有靜川也

恭州下 開元二十四年分靜州廣平縣置恭州仍置博恭烈山二縣天寶元年改為恭化郡乾元元年復為恭州本屬隴右道後割屬劔南 領縣三戶一千一百八十九口六千二百二十二東至和州一百里東北至靜州界 至京師三千一百二十里 和集 舊廣平縣屬靜州開元二十四年於縣置恭州天寶元年改為和集

博恭 開元二十四年分廣平置也 烈 開元二十四年分廣平置也

拓州下 永徽後置天寶元年改為蓬山郡乾元元年復為拓州本屬隴右道松州都督後割屬劔南也

保州下 本維州之定廉縣開元二十八年置奉州以董晏立為刺史領定廉一縣天寶元年改為雲山郡八載移治所於天保軍乃改為天保郡乾元元年二月西山子弟兵馬使嗣歸誠王董嘉俊以西山管內天保郡歸附乃為保州以嘉俊為刺史 領縣二戶一千二百四十五口四千五百三十六 至京師二千九百四十里至東都

三千七百九十里東至維州風流鎮四十五里也 定廉 隋置定廉鎮隋末陷羗武德七年招白苟羗置維州及定廉縣以界水名永徽元年廢鹽城併入開元二十八年改屬秦州天寶八載改為天寶

郡也 歸順 雲山 天寶八年分定廉置此二縣也

真州下 天寶五載分臨翼郡之昭德維川兩縣置昭德郡乾元

元年改為真州取真符縣為名也 領縣三戶六百七十六口三

千一百四十七 至京師三千里至東都三千八百五十里

真符 天寶五載分鷄川昭德二縣晉州所治也 雞川

先天二年割翼州翼水縣置屬翼州天寶五載改為真州 昭德

舊識曰縣屬悉州天寶元年改 屬翼州仍改名昭德縣五年改屬

真州也

霸州下 天寶元年因柘附生羗置靜戎郡乾元元年改為霸州

也 領縣一戶一百七十一口一千八百六十一 至京師二

千六百三十二里至東都三千三百七十一里 信安 與郡

同置州所治也

已上十二州舊屬隴右道永徽已後割屬松州都督入劔南道

諸州隸松州都督相繼屬劔南也

松州都督府督羈縻二十五州 舊督一百州領州無縣戶口惟二

十五有名額皆招撫生羗置也

瑯州下 貞觀元年招慰党項置州處也 領縣二與州同置

江源 洛稽 領戶一百五十五 京師西南二千二百四

十六里

懿州下 貞觀五年置西吉州八年改為懿州處党項也 領縣二

與州同置 吉富 唐位 無戶口 至京師西南二千二百五十

里也

闊州下 貞觀五年置處党項 領縣二與州同置 闊源 洛吳

無戶口 至京師西南二千五百一十里

麟州下 貞觀五年置西麟州處生羗歸附八年去西字 領縣七

與州同置 硤川 和善 欽具 硤源 三交 利恭 東陵

無戶口 至京師四千五百里

雅州下 貞觀五年處生羗置西雅州八年去西字 領縣三

與州同置 新城 三泉 石隴 無戶口 京師西

南二千六百六十里

叢州 貞觀五年党項歸附置也 領縣五與州同置都流厥訶秦
般富器 邈率鍾 並諸羌部落過立無縣也 寧遠 臨泉 臨

河 無戶口 京師西南一千八百里

可州 貞觀四年處党項西羌八年改為可州也 領縣三與

州同置 義誠 清化 靜方 無戶口 京師西南

一千四十里

遠州 貞觀四年生羌歸附置也 領縣二與州同置 羅水

小部川 無戶口 京師西南二千三百六十里

奉州 貞觀三年處生羌置西仁州八年改為奉州也 領縣三與

州同置 奉德 思安 永慈 無戶口 京師西南二千一百六

里

巖州 貞觀五年置西金州八年改為巖州 領縣三與州同

置 金池 甘松 舟巖 無戶口 京師西南二千

一百里

諾州 貞觀五年 處降羌置 領縣三與州同置 諾川

歸德 離滑 無戶口 京師西南二千六百四十三里

城州 貞觀五年處降羌置 領縣二與州同置 常平 那川

無戶口 至京師二千七百里

彭州 貞觀三年處降党項置洪州七年改為彭州 領縣四與州

同置 洪川 歸遠 臨津 歸正 無戶口 京師西南一千七

百八十里

軌州都督府 貞觀二年處党項置 領縣四與州同置

通川 王城 金原 俄徹 無戶口 京師西南二

千三百九十里

盍州 貞觀四年置西唐州八年改為盍州處降羌也 領縣四與

州同置 湘水 河唐 曲嶺 枯川 戶二百二十無口 京師

西南二千六百三十里

直州 貞觀五年置西集州八年改為直州處降羌 領縣二

與州同置 集川 新川 戶一百無口 至京師二千五百里

肆州 貞觀五年處降羗置 領縣四與州同置 歸唐 芳叢 鹽水 磨山 無戶口 至京師二千六百里

位州 貞觀四年降生羗置西廳州八年改為位州 領縣二與州同置 位豐 西使 戶一百無口 至京師二千四百一十里

玉州 貞觀五年處降羗置 領縣二與州同置 玉山 帶河 戶二百一十五無口 至京師二千八百七十八里

嶂州 貞觀四年處降羗置 領縣四與州同置 洛平 顯川 桂川 顯平 戶二百無口 至京師二千九百

里 祐州 貞觀四年處降羗置 領縣二與州同置 廓川 歸定 無戶口 至京師二千一百九十里

臺州 貞觀六年處寇項置西滄州八年改為臺州 無縣至京師二千一百三十五里

橋州 貞觀六年處降羗置 無縣 至京師二千四百里 序州 貞觀十年處寇項置 無縣 至京師二千四百里

右二十五州舊屬右道隸於州都督府貞觀中招尉佗後漸置永徽已後羗戎叛臣制置不一今存招降之始以表其

之所至也 嶺南道

南海節度使領是十七州也 廣州中都督府 隋南海郡武德四年討平蕭銑置廣州總管府管

廣東衛淮南綏四州并南康總管其廣州領南海增城清遠政宣 實安五州六年又置高循一總管隸廣州七年改總管為大都督九

年廢南康都督以端封宋涯龍建齊威扶義勤十一州隸廣州其年 又有勤州貞觀改中都督府有威齊宋涯四州仍以廢涯州之伯陽

...

...

...

存安武德四年於縣置齊州領存安宜樂宋昌三縣貞觀元年省齊州及安樂宋昌二縣以存安屬涇州八年改涇州為涇州縣乃屬十三年涇州廢屬賓川至德二年九月改為涇水也 涇陽 漢

縣屬桂陽郡隋為直陽五年屬涇州貞觀初州廢改直陽涇陽屬廣州涇山在縣北三十里

韶州 隋南海郡之曲江縣武德四年平蕭銑置番州領曲江始興樂昌臨龍良化五縣貞觀元年改為韶州仍割涇州之翁源來屬八年廢臨龍良化二縣大寶元年改為始興郡乾元元年復為韶州

舊領縣四戶六千九百六十口四萬四百一十六 天寶領縣六戶三萬一千口十萬八千九百四十八南至廣州八百里西至柳州

五百里東南至度州七百里 至京師四千九百三十二里至東都四千一百四十二里 曲江 漢縣屬桂陽郡在曲江川州

所治也 始興 漢南野縣地屬豫章郡孫皓分南康郡之南鄉始興縣縣界

東嶠 一名大庾嶺南越之北塞漢討南越

時有將軍姓袁城於此五嶺之最東故曰東嶠也 樂昌 隋

置翁源翁水左縣界隋武德五年置温州貞觀初廢以屬韶州仁化 涇昌 已上二縣天寶後新置

循州 隋龍川郡武德五年改為循州總管府管循湖二州循州領歸善河源博羅興寧海豐羅陽省龍川歸善石城八河源齊昌八興

寧二年廢都督府天寶元年改為海豐郡乾元元年復為循州舊領縣五戶六千八百九十一口三萬六千四百三十六

領縣六戶九千五百二十五無口數南至廣州四百里東至湖州五百一十七里北至處州隔山嶺一千六百五十里至東都四千八百

里 歸善 秦漢龍川縣地屬南海郡宋齊歸善縣縣界羅浮山湖中有白貞觀元年省龍川縣併入 博羅 漢舊縣屬南海

海郡也 河源 隋縣 循江 一名河源水自處州寧都縣流入龍川在河源縣云有龍穿地而出即水在漢因置龍川縣

貞觀元年省西城併入 海豐 宋縣屬東官郡南海豐縣南

五十里即張海渺漫無際武德五年分置陸安縣貞觀初併入也
興寧 漢龍川縣地貞觀元年省齊昌併入 雷鄉 新

置

岡州隋南海郡之新會縣武德四年平蕭銑置岡州領新會封平義
寧三縣貞觀五年州廢以新會義寧屬廣州省封平封樂二縣其年
又立南州割廣州之新會義寧來屬又立封樂縣天寶元年改為義
寧郡乾元元年復為岡州也 舊領縣二戶二千三百五十八口八
千六百六十二 天寶戶五千六百五十無口數 京師西南六千
三百五里 新會 漢南海縣地置新會郡改置封州又改為元
州又改為岡州隋末併入廣州武德四年復為岡州舊治益源城
貞觀十三年廢岡州屬廣州其年復置州於今治也 義寧 漢

番禺縣地宋置我寧縣屬新會郡
賀州 隋蒼梧郡之臨賀縣武德四年平蕭銑置賀州天寶元年改
為臨賀郡乾元元年復為賀州也 舊領縣五戶六千七百一十三

口一萬八千六百二十八 天寶領縣六戶四千五百無口數

京師東南四千一百三十里至東都三千五百七十二里東南至廣
州八百七十六里東至連州二百六十里南至封州三百六十里北
至道州四百里北至富州三百二十里西南至梧州四百二十二里

也 臨賀 州所治漢縣屬蒼梧郡臨賀水吳置臨賀郡宋改為臨

慶國齊復為臨賀郡隋置賀州隋末廢為縣武德四年復置賀州

桂嶺 漢臨賀縣地隋舊也 馬乘 漢縣屬蒼梧郡有荔半關

封陽 漢縣屬蒼梧郡 富川 漢富川縣天寶改為富水後復為

富川也 蕩山 新置

端州 隋信安郡武德元年置端州領高要樂城銅陵平興博林五

縣其年以樂城屬康州銅陵屬春州七年置清泰縣貞觀十三年省
博林清泰二縣天寶元年為高要郡乾元元年復為端州 舊領縣

二戶四千四百九十一口二萬四千三百三 天寶戶九千五百口

二萬一千一百二十東至廣州二百四十里南至新州一百四十里
西至康州一百六里 至京師四千九百三十五里至東都四十七
百里 高要 州所治漢縣屬蒼梧郡宋齊屬南海郡陳置高要郡
隋置端州縣北五里有石室山縣西有鵠奔亭即漢交州刺史行部
到鵠亭夜女子鬼訴寃之亭 平興 漢高要縣地隋分置武德七
年分置清泰縣貞觀十三年省清泰併入

新州 隋信安郡之新興縣武德四年平蕭銑置新州天寶元年
改為新昌郡乾元元年復為新州 舊領縣四戶七千三百八十
八口二萬五千二十五 天寶領縣三戶九千五百 東至廣

州義寧縣四十一里北至端州一百四十里西北至康州二百七十
里西南至勤州一百七十里 至京師五千五十二里至東都五
十里 新興 漢臨元縣屬合浦郡晉置新寧郡宋置新州

索盧 武德四年析新興縣置 永順 新置

康州 隋信安郡之端溪縣武德四年置康州都督府督端州

新末隴等州九年廢都督府及康州貞觀元年又置南康州十一年
廢十二年又置康州天寶元年改為晉康郡乾元元年復為康州

舊領縣四戶四千一百二十四口一萬三千五百四 天寶戶一
萬五千一十口一萬七千二百一十九 東北至廣州三百四十

里西南至梧州二百八十四里東至端州一百六十里南至隴州一
百三十里西至封州一百三十里南至新州二百七十里 至京

師五千七百五十里至東都五百一十五里 端溪 漢縣
屬蒼梧郡晉於縣分置晉康郡隋廢郡併入信安郡武德復置康州

縣界有端山山下有溪也 晉康 隋遂安縣至德二年改為

晉康縣 悅城 隋樂城縣武德五年屬端州又割屬康州改

為悅城 郡城 漢端溪縣東百步有程溪亦名零溪温姬養

龍之溪也

封州下 隋蒼梧郡之封川縣武德四年平蕭銑置封州天寶元年改為臨封郡乾元元年復為封州 舊領縣四戶二千五百五十五口一萬三千七百七十七 天寶領縣二戶三千九百 萬二千八百二十七 東北至廣州九十七里西北至梧州五十五里東至廣州一百三十里北至賀州三百六十六里至京師水陸四千五百一十里也 封川 州所治漢廣信縣地屬蒼梧郡在封水之陽梁置梁信郡隋平陳改為成州又改為封州隋末州廢為封川縣屬蒼梧郡武德初置封州隋移州於封川口即今縣治也 關建 漢封陽縣地屬蒼梧郡隋舊也

瀧州 隋永熙郡之瀧水縣武德四年平蕭銑置瀧州天寶元年改為開陽郡乾元元年復為瀧州舊領縣四戶三千六百二十七口九千四百三十九天寶領縣五瀧水州所治漢端溪縣地屬蒼梧郡晉分端溪立龍鄉即今州治梁分廣熙郡置建州又分建州之端溪置瀧州

立雙州隋改龍鄉為平原縣又改為瀧水 關陽 隋廢縣武德四年分瀧水置 永寧 武德四年於安遂縣置樂州領安遂永寧安南永業四縣貞觀中廢樂州以永寧屬瀧水本隋永熙縣武德五年改為永寧縣 鎮南 隋安南縣至德二年九月改為鎮南 建水 新置恩州 隋高梁郡武德四年平蕭銑置高州都督府管高春羅嶺雷崖儋新八州七年割崖儋雷新屬廣州貞觀二十三年廢高州都督府置恩州天寶元年改為恩平郡乾元元年復為恩州內有清海軍管戍兵三千人也 領縣三戶九千無口數 京師東南千五百里西北六十里接廣州界恩平州所治漢合浦郡也隋置海安縣武德五年改為齊安至德二年九月改為恩平也 杜陵隋杜縣武德五年改為杜陵也 陽江 隋舊置也

春州 隋高梁郡之陽春縣武德四年平蕭銑置春州天寶元年改為南陵郡乾元元年復為春州舊領縣一戶五千七百一十四口二萬一千六十一天寶領縣二戶一萬一千二百一十八京師東南六

千四百四十八里東至廣州六百四十二里南至恩州九十三里西至高州三百二十里東北至新州二百六里西北至瀧州界也 陽春州所治漢高縣地屬合浦郡至隋不改也 羅水 天寶後置高州 隋高梁郡舊治高梁縣後改為西平縣貞觀二十三年分西平杜陵置恩州高州移治良德縣天寶元年改為高梁郡乾元元年復為高州領縣三戶一萬二千四百西北至竇州九十二里北至瀧州界三百五十里西南至潘州九十里東至春州三百三十里至京師六千二百六十二里至東都五千五百二十里 良德 漢合浦縣地屬合浦郡吳置高梁郡宋齊不改 電白 梁置電白郡隋改為縣也保定 舊保安縣至德二年改為保定 藤州下 隋永平郡武德四年置藤州領永平猛陵安基武林隋建陽安昔寧戎城寧人淳人大賓貧川十二縣貞觀七年以武林屬潯州安昔屬燕州昔寧屬容州八年以猛陵屬梧州十二年以隋建屬龔州天寶元年改為感義郡乾元元年復為藤州也

舊領縣六戶九千二百三十六口一萬三百七十二 天寶領戶三千九百八十 去京師五千五百九十六里去東都五千二百里南至義州二百里西至龔州一百四十九里北至梧州九十七里 鐔津 漢猛陵縣屬蒼梧郡晉置永平郡隋置藤州及鐔津感義義昌 本安昌縣至德二年九月改為義昌 義州下 隋永熙郡之永業縣武德五年置南義州及四縣貞觀元年州廢以所領縣入建州二年復置義州還以故縣來屬五年廢義州縣屬南建州六年復置義州又改縣來屬天寶元年改為連城郡乾元元年復為義州 舊領縣四戶三千二百二十五無口 天寶領縣三戶一千一百一十口七千二百一十至京師五千七百五十里至東都四千六百九十里東至梧州隔鄣嶺一百七十里北至藤州二百里西至容州九十里東南至竇州一百七十二里東北至瀧州二百七十里岑溪 州所治漢猛陵縣屬蒼梧郡武德四年置龍城縣置南義州貞觀初廢二年復置義州領龍城安義連城義城四縣至德

中改安城為永業龍城為岑溪 永業 義縣至德年改
連城 武德五年分瀧州之正義縣置

寶州下 隋永熙郡懷德縣武德四年置南扶州及五縣以獠反寄
瀧州貞觀元年廢以所管縣並屬瀧州二年獠平復置南扶州自瀧
州還其故縣五年復廢縣隸龍州六年復置以故縣來屬其年改南
扶為寶州天寶元年改為懷德郡乾元元年復為寶州舊領縣五戶
三千五百五十 天寶領縣四戶一千一十九 至京師水陸六千
一百里至東都水陸五千四百里西至容州二百里東至瀧州一
百八十里南至潘州一百五十里東南至高州九十二里北至義州
二百三十里西南至禺州一百九十里 信義 漢端溪縣地屬蒼
梧為懷德縣武德四年析懷德縣置信義縣仍置南扶州貞觀中
以為寶州取州界有羅賓洞為名也 懷德 本屬瀧州後來屬也
武德四年分信義縣置也 恃亮 武德四年分信義置
州 隋信安郡之高梁縣地武德四年置勤州隸南康州總管

年改隸廣州其年廢縣屬春州後置勤州以銅陵來屬仍置富林
縣 領縣三戶六百八十二口一千九百三十三 至京師五千二
百九十里至東都五千里東至新州一百七十里西至瀧州二百六
十里南至廣州六百三十五里西北至康州二百七十三里 富林
州所治析銅陵置 銅陵 漢允吳縣地屬合浦郡宋立瀧潭縣隋
改為銅陵以界內有銅山也

桂管十五州在廣州西

桂州下都督府 隋始安郡武德四年平蕭銑置桂州總管府管桂象
靜融賀樂荔南昆龍九州并定州一總管其桂州領始安福祿純化
興安臨源永福陽朔歸義宣風象十縣尋改定州為南尹州其年又
置欽州總管隸桂府五年置 南恭燕梧三州隸桂府九年置晏州隸
桂府貞觀元年以欽玉南亭三州隸桂府二年省玉州南亭州五年
置賓州隸桂府六年又以尹藤越白相繡鬱姜南宏南方南簡南晉
十二州隸桂府其年置龔州都督亦隸桂府其年廢龍鬱二州八年

改越州為廉州南簡為橫州南方為登州南宏為潘州南晉為邕州
尹州為貴州靜州為富州樂州為昭州南昆為柳州銅州為容州廢
福祿歸義二縣十年廢晏州十二年廢晏州以建陵縣來屬廢荔州
以荔浦崇仁二縣來屬省宣風縣令督桂昭賀富梧藤容潘白廉緜
欽橫邕融柳貴十七州天寶元年改為始安郡依舊都督府至德
二年九月改為建陵郡乾元元年復為桂州刺史充經略軍使管戍兵
千人衣糧稅本管自給也 舊領縣十戶三萬二千七百八十一口
五萬六千五百二十六 天寶領戶一萬七千五百口七萬一千
十八 至京師水陸路四千七百六十里東都水陸路四千四十一
東至道州五百里西至容州四百九十三里南至昭州二百一十里
北至邵州六百八十五里東南至賀州五百三十里西南至柳州八
百里東北至永州五百五十里 臨桂 州所治漢始安縣地屬少
陵郡吳分置始安郡宋改為始建國南齊始安郡梁置桂州隋本郡
為始安郡江源多桂不生新米故秦時立為桂林郡也 理定

安縣隋分置興安近改為理定 靈川 武德四年分始安置 陽

朔 隋舊貞觀元年廢歸義縣併入 荔浦 漢縣屬蒼梧郡武德

四年置荔浦建陵隋化棠仁純義五年以隋化屬南恭州貞觀元年
以建陵屬晏州十三年廢荔州以荔浦崇仁屬桂州純義屬晏州也

豐水 舊永豐縣元和初改為豐水縣 脩仁 隋置建陵縣貞

觀元年於縣置晏州領武龍建陵二縣十二年廢晏州及武龍縣以

建陵屬桂州長慶元年改為脩仁縣 恭化 武德四年分始安置

純化縣元和初改為恭化也 永福 武德四年分始安置 臨源

武德四年分始安置 全義 新置

昭州 隋始安郡之平樂縣武德四年平蕭銑置樂州領平樂永豐

恭城沙亭四縣貞觀七年省沙亭縣八年改為昭州以昭岡潭源名

天寶元年改為樂平郡乾元元年復為昭州也 舊領縣三戶四

九百一十八口一萬二千六百九十一 天寶戶三千五百 平

師四千四百三十六里至東都四千二百一十九里西至桂州 白

二十里東北至道州四百里北至永州六百三十九里南至富州二百六十
六里也 平樂 州所治漢荔浦地屬蒼梧郡晉置平樂縣貞觀二年
省沙亭併入也 恭城 武德四年析平樂置 永平 隋縣舊屬藤州
富州下 隋始安郡之龍平縣武德四年平蕭銑置靜州領龍平樓
勞歸化安樂開江豪靜蒼梧七縣尋又分蒼梧豪靜開江三縣置富
州九年省安樂縣貞觀八年改為富州以富川水為名天寶元年改
為開江郡乾元元年復為富州 舊領縣三戶三千三百四十九口
四千三百一十九 天寶戶一千二百九十 至京師五千一百三
十里至東都四千八百五十里西北至桂州界八十里東南至梧州
界九十里北至昭州一百六十六里也 龍平 漢臨賀縣地屬蒼
梧郡吳置臨賀郡梁分臨賀置南靜郡又改為靜州改南靜郡為龍
平縣貞觀八年改為富川水為名也 思勤 新置 馬江 隋開
江縣長慶元年改為馬江背漢臨賀縣地
梧州下 隋蒼梧郡武德四年平蕭銑置梧州領蒼梧豪靜開江三縣

貞觀八年割藤州之孟陵賀州之綏越來屬十二年廢蒙州置
元年改為蒼梧郡乾元元年復為梧州也 舊領縣四戶一千八百
四口五千四百二十三 天寶領縣三戶五千至京師五千五百
至東都五千一百至宋至封州八十里東北至賀州四百一十里北
接富州界正西至藤州一百九十里 蒼梧 漢蒼梧郡治唐信縣
即今治隋立蒼梧縣於此置郡戎城隋縣舊屬藤州今來屬孟陵
漢孟陵縣屬蒼梧郡

蒙州 隋始安郡之隨化縣武德四年置南蒙州割荔州之立山東
區純義三縣分置嶺政縣貞觀八年改為蒙州取州東蒙山為名十
二年省嶺政入立山天寶元年改為蒙山郡乾元元年復為蒙州舊
領縣三戶一千六十九 天寶戶一千五十九 至京師五千一百
里至東都四千七百里南至桂州二百四十九里東至富州九十一
里西南至象州一百七十六里 立山 州所治漢荔浦縣屬蒼梧
郡隋分荔浦置隨化縣武德四年改為立山於縣置荔州尋改為恭

州貞觀八年改為蒙州東蒙山山下有蒙水居人多姓蒙故也
東武德五年分立山置荔州貞觀六年屬鸞州十年改為蒙州
正義 貞觀五年置純義縣屬荔州乾元初改為正義也

龔州下 隋永平郡之武林縣貞觀三年置鸞州七年移鸞州於今
州東仍於鸞州之舊所置龔州都督府督龔潯蒙賓澄鸞七州割
州之武林鸞川之秦州來屬又立南平西平歸政大同四縣十
廢潯州以桂平陵江大賓皇化四縣來屬其年省秦川入南平省陵
江入桂平省歸政入西平又割藤州之隋建來屬天寶元年改為臨
江郡乾元元年復為龔州 舊領縣八戶一萬三千八百二十一
一萬一千一百二十八 天寶領縣六戶九千口二萬一千至京師
五千七百二十里至東都五千三百六十一里東至藤州一百四十
九里南至縉州九十五里西至潯州一百三十里北至蒙州一百四
十里 南平 州所治漢猛陵縣地屬蒼梧郡晉分蒼梧置水郡乃
武城縣貞觀七年分置南平縣後自武林移龔州治於此也 武

林 猛陵縣地隋分置武林縣屬藤州貞觀七年屬龔州 隋
猛陵縣地武德年屬藤州貞觀年屬龔州也 大同貞觀元年分置

陽川 本陽建縣後改為陽川也

潯州下 隋永平郡之桂平縣貞觀七年置潯州領桂平陵江大賓
皇化四縣十二年廢潯州以四縣屬龔州後復置潯州以桂平大賓
皇化來屬又省陵江入桂平天寶元年改為潯江郡乾元元年復為
潯州也 舊領縣三戶二千五百口六千八百三十六 至京師五
千九百六十里至東都五千七百里東至龔州一百三十里西至潘
州二百五十里西南至貴州一百五十里西北至蒙州三百六十里

西南接鬱林州界 桂平 漢布山縣鬱林郡所治也隋

為桂平縣武德年屬貴州貞觀初屬燕州七年屬潯州十二年
州廢屬龔州復置潯州 宣化 漢阿林縣屬鬱林郡

隋置皇化縣後廢貞觀六年復置屬潯州州廢屬龔州又
後屬潯州 大賓

鬱林州下 隋鬱林郡之石南縣貞觀中置鬱林州領石南興德天寶元年改為鬱林郡乾元元年復為鬱林州也 領縣五戶一千九百一十八口九千六百九十九 至京師五千五百七十里至東都五千一百六十里東至平琴州九十里南至牢州一百二十里西南至昭州一百一十里北至貴州一百五十里 石南 州所治漢鬱林郡之地梁置定州隋改尹州煬帝為鬱林郡皆治於此陳時置石南郡隋改為縣也 鬱林 隋縣屬桂州後來屬興業 興德 武德四年分鬱林置 潭栗

平琴州下 漢鬱林郡地唐置平琴州無月年領縣四天寶元年改為平琴郡乾元元年復為州建中併入黨州今存 領縣四戶一千一百七十四 至京師六千四百八十里至東都五千八百三十里西至鬱林州九十里東南至牢州一百一十里北至貴州一百五十里北至繡州九十二里東至黨州二十二里 容山 州所治本名安仁至德年改也 懷義 福陽 古符 二縣與州同置

賓州下 隋鬱林郡之嶺方縣貞觀五年析南方之嶺方思千瑯琊南尹州之安縣置賓州十二年省思千縣天寶元年改為安城縣至德二年九月改為嶺方郡乾元元年復為賓州 舊領縣三戶七千四百八十五 天寶戶一千九百七十六口八千五百八十 至京師四十三百里至東都四千一百里南至淳州二百里東南至貴州一百七十里西至邕州二百五十七里東南至蒙州三百二十里西北至澄州一百二十里也 嶺方 漢縣屬鬱林郡武德四年屬南方州貞觀五年改為賓州 瑯琊 武德四年析嶺方縣置 保城 梁置安城縣至德二年改為保城也

澄州下 隋鬱林郡之嶺方縣地武德四年平蕭銑置方州領無虞瑯琊思千上林止戈賀水嶺方七縣貞觀五年以上林止戈瑯琊領方屬賓州八年改南方州為澄州天寶元年改為賀水郡乾元元年復為澄州 舊領縣四戶一萬八百六十八 天寶後戶一千三百六十八口八千五百八十 至京師四千六百里至東都四千三百里

南至邕州三百里北至賓州四百三十里東南至賓州一百二十里西至古州五百七十九里上林州所治漢嶺方縣地武德四年析置上林縣也 無虞 武德四年析嶺方置賀永武德四年析柳州馬平縣置

繡州下 隋鬱林郡之阿林縣武德四年置林州領常林阿林皇化歸誠羅繡盧越等縣六年改為繡州貞觀六年省歸誠盧越七年以皇化屬潯州天寶元年改為常林郡乾元元年復為繡州 領縣三戶九千七百七十三 至京師六千九十里至東都五千五百里南至黨州五十里北至貴州一百里也 常林 漢阿林縣地屬鬱林郡武德四年析貴州之鬱平縣置林州及常林縣貞觀六年省歸誠縣入常林縣移治發歸誠縣故城又改林州為繡州 阿林 漢縣屬鬱林郡 羅繡 武德四年析阿林置 象川下 隋始安郡之桂林縣武德四年平蕭銑置象州領陽壽四寧桂林武仙武德五縣貞觀十二年省西寧縣割廢晏州武化長風

唐天寶元年改為象山郡乾元元年復為象州 舊領縣六戶 萬一千八百四十五口一萬二千五百二十一 天寶領縣三戶五千五百口一萬八百九十 至京師四千九百八十九里北至桂州四百里東至象州一百七十六里南至費州三百里西北至柳州二百里東南至潯州三百六十里西南至嚴州二百九十里也 武化州所治漢潭中縣地屬鬱林郡隋建陵縣屬桂州武德四年析建陵置武化縣屬晏州貞觀十二年廢晏州來屬仍自武德縣移象州於縣置非秦之掾郡秦象郡今合浦縣 武德 漢中潯縣地屬鬱林郡吳於縣置鬱林郡仍分中潯置桂林縣武德四年改為武德於縣界置象州陽壽 隋縣 武仙 武德四年析桂林置

柳州 隋始安郡之馬平縣武德四年平蕭銑置昆州領馬平新平文安賀水歸德五縣其年改歸德為脩德改文安為樂沙仍加昆州為南昆州八年以賀水屬澄州貞觀七年省樂沙入新平縣以廢龍州之龍城來屬八年改南昆為柳州九年置崖山縣十二年省新平

入馬平天寶元年改為龍城郡乾元元年復為柳州以州界柳嶺為名舊領縣四戶六千六百七十四口七千六百三十七天寶領縣五戶二千二百三十二口一萬一千五百五十至京師水陸相乘五千四百七十里至東都水陸相乘五千六百里東至桂州四百七十里至粵州二百九十里比至融州二十里東南至象州一百里比至柳州三十里馬平州所治漢潭中縣地屬鬱林郡隋置馬平縣武德四年於縣置昆州又改為柳州也龍城隋縣武德四年置龍州領龍城柳嶺二縣貞觀七年廢龍州省柳嶺縣象貞觀中置洛曹舊洛封縣元和十二年改洛容比漢潭州地貞觀後析置融州下隋始安郡之義熙縣武德四年平蕭銑置融州復開皇舊名領義熙臨泮黃水安修四縣六年改義熙為融水貞觀十二年省安修入臨泮天寶元年改為融水郡乾元元年復為融州舊領縣三戶二千七百九十四口三千三百三十五天寶戶一千二百三十二至京師五千二百七十里至東都四千四百七十里東

至桂州四百九十一里南至柳州三十里至武零山二百里也融水漢潭中地與柳州同隋置義熙縣武德四年改為融水州所治也武陽舊黃水臨泮二縣析融水置後併入改為武陽

邕管十州在桂府西南也

邕州下都督府隋鬱林郡之宣化縣武德四年置南晉州領宣化一縣貞觀六年改為邕州都督府天寶元年改為朗寧郡乾元元年復為邕州上元後置經略使領邕貴黨橫等州後又罷長慶二年六月復置經略使以刺史領之刺史充經略使管戍兵一千七百人衣糧稅本管自給舊領縣五戶八千二百二十五天寶後戶二千八百九十三口七千三百二至京師五千六百里至東都五千三百五十二里東南至欽州三百五十里東北至賓州二百五十里西南至羈縻左州五百里宣化州所治漢嶺方縣地屬鬱林郡秦為桂林郡地驩水在縣北本泮河河俗呼鬱狀江即駱越水也亦名溫水古駱越地也武緣隋廢縣武德五年復置也晉興

晉於此置晉興郡隋廢為縣 朗寧 武德五年分置 思龍 如
和 封陵 三縣開碓洞漸置也

貴州下隋鬱林郡武德四年平蕭銑置南尹州總管府管南尹南管
南簡南方藤南容越繡九州南尹州領鬱林馬嶺安城鬱平石南桂
平嶺山興德湖水懷澤十一縣五年以桂平屬鸞州嶺山屬南橫州
貞觀五年以安城屬賓州七年罷都督九年改南尹為貴州天寶元
年改為懷澤郡乾元元年復為貴州也 舊領縣八戶二萬八千九
百三十口三萬一千九百九十六 天寶領縣四戶三千二十六口
九千三百 至京師五千三百八十里至東都五千一百二十里東
至繡州一百里南至鬱林州一百五十里西至橫州二百里北至象
州三百里西南至賓州九十四里東北至潯州一百五十里 鬱平
漢廣鬱縣地屬鬱林郡古西甄駱越所居後漢谷永為鬱林太守降
烏許人十萬開七縣即此也烏許之俗男女同川而浴生首子食之
云宜其弟娶妻美讓兄相習以鼻飲秦平天下始招慰之置桂林郡漢

改為鬱林郡地在廣州西南安南府之地邕州所管郡縣是也隋分
鬱平縣鬱江在川東也 懷澤 宋廢縣武德四年又置也 湖水

武德四年分鬱林置 義山 新置

黨州下 古西甄所居秦置桂林郡漢為鬱林郡唐置黨州失起置
年月與平琴州同土俗西至平琴治所二十二里天寶元年以黨州
為寧仁郡乾元元年復為黨州建中二年二月廢平琴州併入 領
縣四戶一千二百口七千四百 京師地理與平琴州同南至寧州
一百里北至繡州五十里東南至容州一百五十里北接繡州六百
餘里也

橫州下 隋鬱林郡之寧浦縣武德四年置簡州領寧浦樂山蒙澤

浮風嶺山五縣六年改為南簡州貞觀八年改橫州天寶元年改為
寧浦郡乾元元年復為橫州也 舊領縣四戶一千一百二十八口

一萬七百三十四 天寶領縣三戶二千九百七十八口八千三百
四十二 至京師五千五百三十九里至東都四千七百五里至

欽州三百五十里西至巒州一百五十里北至貴州二百六十里也
寧浦鬱州所治漢廣鬱縣地屬鬱林郡吳分置寧浦郡晉宋齊不改
梁分置簡陽郡隋平陳郡並廢置簡州不改為緣州煬帝廢州置寧
浦縣鬱林郡武德復置改為橫州 從化 漢高梁縣地屬合浦縣
武德四年分寧浦置淳風縣貞觀元年改為從化也 樂山 漢高
梁縣地隋置樂山縣

田州 土地與邕州同失廢置年月疑是開元中置天寶元年改為
橫山郡乾元元年復為田州 舊領縣五戶四千一百六十八舊屬
無四至州郡及兩京道里數 都救 惠性 武籠 橫山 如賴
並與州同置也

嚴州 秦桂林郡地後為獠所據乾封元年招致生獠置嚴州及三
縣天寶元年改為修德郡乾元元年改為嚴州領縣三戶一千八百
五十九口七千五十一至京師五千三百二十七里至東都四千
八百九十三里東北至邵州三百四十里東南接象州界西北接

州界也 夾賓 州所治也 循德 歸化 與州同置

山州 失起置年月天寶元年改為龍池郡乾元元年復為山州領
縣二戶一千三百二十 無四至及京洛里數 龍池州所治也

巒州 秦桂林郡唐置淳化失起置年月天寶元年改為永定
郡乾元元年復為淳州永貞元年改為巒州也領縣三戶七百七十
口三千八百三 至京師五千三百里至東都四千九百里南至橫
州一百四十里西至邕州三百里北至賓州二百五十五里 永定
州所治也 武羅 靈竹 二縣與州同置

羅州 隋高涼郡之石龍縣地武德五年於縣置羅州領石龍吳川
陵羅梁龍辯南河石城招義零錄慈廉羅肥十一縣六年移羅川於
石城縣於舊所置南石州割石龍陵羅龍化羅辯慈廉羅肥屬南石
州天寶元年改羅州為招義郡乾元元年復為羅州 舊領縣五戶
五千四百六十口八千四十一 至京師六千五百二十一里至東
都五千七百五里東至大海一百三十九里南至雷州二百五十里

西至廉州二百五十里北至梧州一百五十里西南至象縣大海一百二十里西北至白州二百三十里東北至新州五十里石城州所治漢合浦郡地宋將檀道濟於陵羅江口築石城因置羅縣屬高涼郡唐復置羅州於縣 吳川 隋縣 招義 武德五年析石龍縣置也 南河 武德五年析石龍縣置也

潘州下 隋合浦郡之定川縣武德四年置南宕州領南昌定川鄰川思城温水宕川六縣治南昌縣貞觀六年移治定川八年改為潘州仍廢思城縣天寶元年改為南潘郡乾元元年復為潘州也舊領縣五戶一萬七百四十八 天寶後領縣三戶四千三百八十九百六十七至西京七千一百六十一里至東都六千三百八十九里至高州九十里南至大海五十六里辯州一百二十里北至賓州一百五十一里 改名 州所治古西甄駱越地秦屬桂林郡漢為合浦郡之地隋治定川縣武德四年平嶺表於縣置宕州改為潘州仍改縣茂名也 南巴 隋廢縣武德五年置 潘川 以縣水為名

武德五年分置也

容管 十州在桂管西南也

容州下都督府 隋合浦郡之北流縣武德四年平蕭銑置銅州領北流豪右宕昌謂龍南流凌城皆寧新安八縣貞觀元年改為容州以容山為名十一年省新安縣開元中升為都督府天寶元年改為普寧郡乾元元年復為容州都督府仍舊置防禦經略招討等使以刺史領之刺史充經略軍使管鎮兵一千一百人衣糧稅本管自給舊領縣七戶八千八百九十 天寶後領縣五戶四千九百七十口一萬七千八十七 至京師五千九百一十里至東都五千四百八十五里東至藤州二百五十九里南至賓州二百里西至禺州十五里北至龔州二百里西至隋建縣一百九十里西北至翼州一百五十一里東北接義州界 北流 州所治漢合浦縣地隋置北流縣縣南二十里有兩石相對其間闊三十步俗號鬼門關漢伏波將軍馬援討林邑蠻路由於此立碑石龜尚在昔時趨交趾皆由北關其南

尤多瘴癘去者罕得生還諺曰鬼門關十人九不還其土少鐵以煬石燒為器以烹魚鮭北人名五候焦石一經火久之不冷即今之滑石也亦名冷石也昔寧隋置 陵城 武德四年析北流置謂龍武德四年析晉寧置 欣道 新置

辯州下 隋高涼郡之石龍縣武德五年置羅州移置石城於舊所置南石州領石龍陵羅龍化羅辯慈廉羅肥六縣貞觀九年改石南州為辯州省慈廉羅肥二縣天寶元年改陵水郡乾元元年復為辯州也 舊領縣四戶一萬三百五十 天寶後領縣三戶四千八百五十八口一萬六千二百九 至京師五千七百一十八里至東都五千三百七十里東至廣州一千一百四十四里南至羅州吳川縣界五十里南至白州博白縣二百三十里北至禺州三百八十二里南至潘州四十里西南至羅州一百五十里西北至白州三百里石龍 州所治漢高涼縣地屬合浦郡秦象郡地武德五年屬羅州六年改屬辯州 陵羅武德五年置羅州六年改為南石州也 龍化

武德五年分置也

白州下 隋合浦郡之合浦縣地武德四年置南州領博白即平周羅龍豪淳良建寧六縣六年改為白州貞觀十二年省即平淳良二縣天寶元年改為南昌郡乾元元年復為白州 舊領縣四戶八千二百六 天寶領縣五戶二千五百七十四口九千四百九十八 至京師六千一百七十五里至東都五千九百一十九里東至辯州二百里南至羅州二百二十里西至州界即平山八十里北至牢州一百里西南至廣州二百里東北至禺州二百里博白 州所治漢合浦縣地屬合浦郡武德五年析合浦置博白縣也 建寧 武德四年析合浦縣置貞觀十二年省淳良併也 周羅 武德四年析合浦置 龍豪 武德四年析合浦置 南昌 隋縣舊屬潘州又來屬也 牢州下 本巴蜀徼外蠻夷地漢牂牁郡地武德二年置義州五年改為智州貞觀十二年改為牢州以牢石為名天寶元年改為定川郡乾元元年復為牢州也 舊領縣三戶一千六百四十一口一

萬一千七百五十六 去京師與容州道里同東至容州一百二十五里南至白州一百里西至鬱林州一百一十里北至黨州一百里

南流 武德四年析容州北流縣置屬容州貞觀十一年改智州為牢州以牢石為名牢石高四十丈周二十里在州界也 定川 宕川 貞觀十一年分南流置也

欽州下 隋寧越郡武德四年平蕭銑改為欽州總管府管一府領欽江安京南賓遵化內亭五縣五年置如和縣其年置五川南亭州並隸欽府以內亭遵化二縣屬亭州貞觀元年罷都督府二年廢亭州復以內亭遵化並來屬十年省海平縣天寶元年改為寧越郡乾元元年復為欽州也 舊領縣七戶一萬四千七十二口一萬八千一百二十七 天寶領縣五戶二千七百口一萬一百四十六 至京師五千二百五十一里東至嚴州四百里南至大海二百五十里西至讓州六百三十里至橫州三百五十里東南至廣州七百里

南至陵州六百里西至容州三百五十里東北至貴州四百里 欽州所治漢合浦縣地宋分置宋壽郡及宋壽縣梁置安州隋改為欽州仍改宋壽縣為欽江煬帝改為寧越郡皆治欽江也 保京 隋安京縣至德二年改為保京縣北十里安京山下有如和書似猶州羅浮山形勢 遵化 隋舊置也 內亭 隋縣武德五年於縣置南亭州貞觀元年州廢復屬欽州也 雷州已上縣並漢合浦縣也 禺州 隋合浦郡之定川縣武德四年置南宕川領南昌定川陸川思城溫水宕川六縣治南昌縣貞觀六年移治定川八年改為潘州仍廢思城總章元年改為東莪州移治莪石縣二年改為昌州天寶元年改為溫水郡乾元元年復為禺州 舊領縣五戶一萬七百四十八 天寶領縣四戶三千一百八十 至京師五千三百五十二里至東都五千里至義州一百九十里南至辯州三百里西至白州二百里北至容州一百一十里 莪石 秦象郡地晉 南昌郡之邊邑為禺州所治也 溫水 武德四年析南昌置 陸川 隋廢

縣武德四年置 扶桑 武德四年置

湯州下 秦象郡地唐置湯州失起置年月天寶元年改為温泉郡

乾元元年復為湯州 領縣三無戶口及無兩京道里四至州府

湯泉川所治也 淶水 羅韶 與州同置

襄州下 貞觀十二年清平公李弘節遣欽州首領審師京尋劉方

故道行達交趾開拓夷獠置襄州天寶元年改為臨潭郡乾元元年

復為襄州音而章反水名 領縣四戶一千六百六十六無兩京地里東至

欽州六百三十里北至容州二百八十二里在安南府之東北鬱林

之西南 臨江 州所治也 波零 鵠山 弘遠 與州同置

巖州下 土地與合浦郡同唐置巖州失起置年月天寶元年改為

安樂郡至德二年改為常樂郡乾元元年復為巖州 領縣四戶一

千一百一十無兩京道里四至州府也 常樂 本安樂縣至德二

年改州所治 思封 高城 石巖 與州同置

古州 土地與襄州同年置天寶元年改為樂古郡乾元元年

州

安南府 在邕管之西也

南都督府 隋交趾郡武德五年改為交州總管府管交峯

高末慈險道龍十州其交州領交趾懷德南定宋平四縣六年

道宋並加南字七年又置玉州隸交府貞觀九年省南宋州以宋

鼎省隆州以陸平縣及朱鳶縣省龍州以龍編縣並隸交府仍省懷

德縣及南慈州二年廢玉州入欽州六年改南道州為仙州十一年

仙州以平道縣來屬今督交峯愛驩四州調露元年八月改交州

都督府為安南都護府大足元年四月置武安州南登州並隸安南

府至德二年九月改為鎮南都護府後為安南府刺史充都護管兵四

千二人 舊領縣八戶一萬七千五百二十三口八萬八千七百八

十八 天寶領縣七戶二萬四千二百三十口九萬九千六百五十

二 至京師七千二百五十三里至東都七千二百二十五里西至

交州界小黃江口水路四百一十六里西南至長州界文陽縣靖江

鎮一百五十里西北至峯州嘉寧縣論江口水路一百五十里東至朱鳶縣界小黃江口水路五百里北至朱鳶州阿勞江口水路五百四十九里北至武平縣界武定江二百五十二里東北至交趾縣界福生去十里也 宋平漢西捲縣地屬日南郡捲音拳 自漢至晉猶為西捲縣宋置宋平郡及宋平縣隋平陳置交州煬帝改為交趾刺史治龍編交州都護制諸蠻其海南諸國大抵在交州南及西南居大海中洲上相去或五三百里五三千里遠者二三萬里乘船舉帆道里不可詳知自漢武已來皆朝貢必由交趾之道武德四年於宋平置宋州領宋平弘義南定三縣五年又分宋平置交趾 懷德二縣自貞觀元年廢南宋州以弘教懷德交趾三縣省入宋平縣移交趾縣名於漢故交趾城置以宋平南定二縣屬交州 交趾 漢交趾郡之羸樓地羸樓二字並音來反 隋為交趾縣取漢郡名武德四年置 慈廉烏延立三縣六年改為南慈州貞觀初州廢并廢三縣入交趾 朱鳶 漢縣名交趾郡今縣吳軍平縣地舊置

龍編 漢交趾郡守治羸樓後漢問尚為交趾太守乃移治龍編立城之始有蛟龍盤編編津之間因為城名武德四年於縣置龍川武寧平樂三縣貞觀初廢龍川以武寧平樂入龍編割屬仙州十年廢仙州以龍編屬交州也 平道 漢封溪縣地又南齊置昌國縣南越志交趾之地最為膏腴舊有君長日雄王其佐日雄侯以其田雄田後蜀王之將兵三萬討雄王滅之蜀以其子為安陽王治交趾其國地在今平道縣東其城九重周九里土庶蕃阜尉他在蕃陽遣兵攻之王有音神弩一發殺越軍萬人趙他乃與之和乃以子始為質安陽王以媚珠妻之子始得弩毀之越兵至乃殺安陽王兼其地武德四年於縣置道州領平道昌國武平三縣六年改為南道州又改為仙州貞觀十年廢仙州以昌國入平道屬交州也 武平 吳置武平郡隋為縣本漢封溪縣後漢初廢令縣女子徵側叛攻陷交趾馬援率師討三年方平光武方增置望海封溪二縣即此也隋曰隆平武德四年改為武平也 太平

武莪州下 土地與交州同置武莪州失起置年月天寶元年改為武莪郡乾元元年復為武莪州 領縣五戶一千八百五十無口無西京道里及四至州府也 武莪 州所治也 武緣 武勞 梁山 皆與州同置也

州下 土地與交州同唐置粵州失起置年月天寶元年改為龍水郡乾元元年復為粵州 領縣四無戶口數亦無兩京道里及四至州府也 龍水 州所治也 崖山東爾玉 天河 皆與州同置也

芝州下 土地與交州同唐置芝州失起置年月天寶元年改為忻城郡乾元元年復為芝州 領縣一 忻城 州所治無戶口及兩京道里四至州府最遠惡處

愛州 隋九真郡武德五年置愛州領九真松源楊山安頂四縣又於州界分置積順永胥前真山七州改永州為都州九年改為積州為南陵州貞觀初廢都州入前真州其年廢真胥二州入南陵州又

廢安州以隆安縣廢山州以建初縣並屬州又廢揚山安頂二縣入九真縣改南陵州復為真州八年廢建初入隆安九年廢松源入九真九年廢真州以胥浦軍安日南移風四縣屬愛州天寶元年改為九真郡乾元元年復為愛州九真南與日南接界西接牂牁界北與巴蜀東北接與鬱林州山險溪洞所居 舊領縣七戶九千八十口三萬六千五百一十九 天寶領縣六戶一萬四千七百至京師八千八百里東都八千一百里在交州西不詳道里遠近其南即驩州 九真 漢武帝開置九真郡治於胥浦縣領居風都能餘發成歡無功無編等今七縣九真縣即漢地吳改為移風隋改為九真州所治自漢至南齊為九真郡梁置愛州隋為九真郡 安順 隋舊武德二年置順州又分置東河建昌邊河並屬順州州廢及三縣皆入安順屬愛州也 崇平 隋陸安縣武德年於縣置安州及山州又分隆安立教山建道都掘三縣並屬安州領四縣又置岡州山直潤古安西安建功五縣屬山州貞觀元年廢安州及三縣又廢山

州及五縣以隆安隸愛州先天元年改為崇安至德二年改為崇平
軍寧 隋軍安縣武德五年於縣界置永州七年改為都州貞觀元
年改為前真州十年改屬愛州至德二年改為軍寧 日南漢屬風
地縣界有屬風山上有風門常有風其山出金牛往往夜見照耀十
里時鬪則海水沸溢有霹靂人家牛皆怖號曰神牛隋為日南縣無
編漢舊縣屬九真郡又有漢西于縣故城在今縣東所置也

福祿州下 土俗同九真郡之地後為生僚所據龍朔三年智州刺
史謝法成招慰生僚昆明北樓及生僚等七千餘落總章二年置福
祿州以處之天寶元年改為福祿郡至德二年改為唐杜郡乾元元
年復為福祿州 領縣二無戶口及兩京道里四至州郡 柔遠

州所治與州同置本各安遠至德二年改為柔也
長州 土俗與九真同唐置長州失起置年月天寶元年改為文陽
郡乾元元年復為長州 領縣四戶六百四十八無口及兩京道里
四至州府也 文陽 銅蔡 長山 其常 皆與州同置也

驩州 隋日南郡武德五年置南德州總管府領德明智驩林源
海八州南德州領六縣八年改為德州貞觀初改為驩州以舊驩州
為演州二年置驩州都督府領驩演明智林源景海八州十二年廢
明源海三州天寶元年改為日南郡乾元元年復為驩州也 舊領
縣六戶六千五百七十九口一萬六千六百八十九 天寶領縣四
戶九千六百一十九口五萬八千一百一十八 至京師陸路一萬二千
四百五十二里水路一萬七千里至東都一萬一千五百九十五里
水路一萬六千二百二十里東至大海一百五十里南至林州一百
五十里西至環王國界八百里北至愛州界六百三里南至盡當郡
界四百里西北到靈跋江四百七十里東北至辯州五百二里 九
德 州所治古越常氏國秦開百越此為象郡漢武元鼎六年開交
趾巴南置日南郡治於朱吾領比景盧容西捲象林五縣吳分日南
置九德郡晉宋齊因之隋改為州廢九德郡為縣今治也後漢遣馬
援討林邑蠻援自交趾尋海隅開側道以避海從蕩昌縣南至九真

郡自九真援至其國開陸路至日南郡又行四百餘里至林邑國又南行二千餘里有西屠夷國鑄二銅柱於象林南界與西屠夷分境以紀漢德之盛其時以不能還者數十人畱於其銅柱之下至隋乃有三百餘家南蠻呼為馬畱人其水路自安南府南海行三千餘里至林邑計交至銅柱五千里也 浦陽 晉置 懷驩 隋為咸歡縣屬九真郡武德五年於縣置驩州領安人扶演相景西源四縣治安人貞觀九年改為演州十三年省相景縣入扶演二十六年廢演州其所管四縣廢入咸驩後隋改為懷驩 越裳 吳置武德五年於縣置明州析直萬安弘明定二縣隸之又分日南郡文谷縣置智州領文谷縣新靖關貞觀十二年廢明州越裳屬智州後又廢智州以越裳屬驩州

林州 隋林邑郡貞觀九年緩懷林邑置林州寄治於驩州南界今廢無名 領縣三無戶口去京師一萬二千里林邑 州所治漢武帝開百越於交趾郡南三千里置日南郡領縣四治於朱吾其林邑

即日南郡之象林縣縣在南故曰日南郡南界四百里後漢時中喪亂象林歸縣人區連殺縣令自稱林邑王後有范熊者代區連傳累世遂為林邑國其地皆開北戶以向日晉武時范氏入貢東末范攻陷日南郡告交州刺史告蕃求以日南郡北界橫山為界其後又陷九真郡自是屢寇交趾南界至貞觀中其主脩職貢乃於驩州南僑置林邑郡以羈縻之非正林邑國 金龍隋文帝時遣大將劉方率兵萬人自交趾南伐林邑國敗之其王梵志遁走方收其廟主一十八人皆鑄金為之方盡虜其人空其地乃班師因方得其龍乃為縣名 海界 三縣並貞觀九年置

景州 隋北景郡貞觀二年置南景州寄治驩州南界八年改為景州後亦廢無其名 領縣二無戶口 至京師一萬一千五百里北景漢縣各屬日南郡在安南府南三千里北景在南晉將灌濠攻林邑王范佛破其國遂於其國五月五日立表北景在表南九寸一分故自北景已南皆北戶以向日也北字或單為七 由文 貞觀二年置

也 朱吾漢日南郡所治之縣也前志曰朱吾人不粒食依魚資魚為生託去朱吾在日南郡比僑立名也

峯州下 隋交趾郡之嘉寧縣武德四年置峯州領嘉寧新昌安仁

竹輅石堤封溪六縣貞觀元年廢石堤封溪入嘉寧竹輅入新昌大

寶元年改為承化郡乾元元年復為峯州也 舊領縣三戶五千四

百四十四口六千四百三十五 天寶領縣五戶一千九百二十州

在安南府西北至京師七千七百一十里 嘉寧 州所治漢麓冷

縣地屬交趾郡麓冷音麓冷古文朗夷之地秦屬象郡吳分交趾置

新興郡晉改為新昌宋齊因之改為興州隋初改為嘉州煬帝廢州

入交趾武德復置峯州也 承化 新昌 嵩山 珠綠 嵩山珠

綠新置

陸州 隋寧越郡之玉山縣武德五年置玉山鎮安海海陸二縣貞

觀二年廢玉州上元二年復置改為陸州以州界山為名天寶元

年廢陸州乾元元年復為陸州 領縣三戶四千四百九十四口

六百七十四 至京師七千二十六里至東都七千里東至廉州界

三百里南至大海北至思州七百六十二里東南際大海西南至雷

州寧海二百四十里也 烏雷 州所治也 華清 舊玉山縣天

寶年改 寧海 舊安海縣至德二年改為寧海縣也

廉州下 隋合浦郡武德五年置越州領合浦其年安昌高城大廉

大都五縣貞觀六年置珠池其年改大都屬白州八年改越州為姜

州十二年廢姜州入封山東羅萊龍三縣來屬十二年廢安昌珠池

二縣入合浦廢高城入蔡龍天寶元年改為合浦郡乾元元復為廉

州 舊領縣五戶一千五百二十二 天寶戶三千三十二口一萬

三千二十九 至京師六千五百四十七里至東都五千八百三十

六里東至白州二百里南至羅州三百五十里西北至南安府一千

里北至領州七百里 合浦 漢縣屬合浦郡秦之象郡地吳改為

珠官宋分置臨障郡及越州領郡三治於此時西江都護陳伯紹為

刺史始立州鎮鑿山為城以威俚獠隋改為祿州及為合州又改為

合浦唐置廉州大海在西南一百六十里有珠母海郡人採珠之所
云合浦也州界有廉江名合浦江也 封山 隋縣武德五年置
州領封山東羅蔡龍三縣貞觀十年廢州以三縣入廉州 蔡龍
武德五年分置也 大廉 武德五年置四縣皆合浦縣地
雷州下 隋合浦郡之海康縣武德五年平蕭銑置南合州領海康
隋康鐵杷椹川四縣貞觀元年改為東合州二年改隋康為徐聞縣
八年改東合州為雷州天寶元年改為海康郡乾元元年復為雷州
也 舊領縣四戶二千四百五十八 天寶領縣三戶四千二百二
十口二萬五百七十二 至京師六千五百一十二里至東都五千
九百三十一里東至大海二十里西至大海一百里東南至大海十
五里西南至大海一百里隔海至崖州四百三十里東北及西北與
羅州接界 海康 漢徐聞縣地屬合浦郡秦象郡地梁分置南合
州隋去南字煬帝廢合州置海康縣 遂溪 舊齊鐵杷椹川二縣
後廢改為遂溪也 徐聞 漢縣名隋置貞觀二年改為徐聞漢志

曰合浦郡徐聞南入海達珠崖郡即此縣

龍州 貞觀十二年清平公李弘節遣龔州大縣入龔固興招慰生
蠻置龍州天寶元年改為扶南郡乾元元年復為扶州 領縣七戶
三千六百六十七無四至州縣兩京道里扶南國在日南郡之南海西
大島中去日南郡約七千里在林邑國西三千里其王貞觀中遣使
朝貢故龍州招置之遙取其名非正扶南國也 武勒 州所治武
禮 羅龍 扶南 龍賴 武觀 武江 皆與州同置
環州下 貞觀十二年清平公李弘節開拓生蠻置環州以環國為
名天寶元年改為平郡乾元元年復為環州 領縣八無戶口及兩
京道里并四至州府 正平 州所治 福零 龍源 饒勉 思恩
武石 歌良 蒙都 與州同置

德化州 永泰二年四月於安南府西界牂牁南界置 領縣二與
州同置 德化 歸義
郎茫州 永泰二年四月於安南府西界置 領縣二與州同置

然 福守

崖州下 隋珠崖郡武德四年平蕭銑置崖州領舍城平昌澄邁頓
靈臨機五縣貞觀元年置都督府督儋振三州其年改為頓城平昌
為文昌三年割儋州屬廣府五年又置瓊州十三年廢瓊州以臨機
萬安三縣來屬天寶元年改為珠崖郡乾元元年復為崖州在廣府
東南 舊領縣七戶六千六百四十六 天寶戶十一鄉 至京師
七千四百六十里至東都六千三百里廣府東南二千餘里雷州徐
聞縣南舟行渡大海四百三十里達崖州漢武帝元封元年遣使自
徐聞南入海得大洲東西南北方計千里略以為珠崖儋耳二郡民以
石單如波穿中從頭穿之民種禾稻紵麻女子蠶織無馬與虎有牛
羊豕鷄犬兵則矛盾木弓行矢骨鏃郡縣吏卒多侵凌之故率數歲
一反昭帝省儋耳併珠崖元帝用賈捐之言乃棄之大唐武德初復
析珠崖郡置儋瓊振萬安五郡於崖州置都督府領之後廢都督隸
廣州經略使後又改隸安南都護府也

合城 州所治隋舊縣其崖儋振瓊萬安五州都在海中洲之上
千里四回抵海北渡海揚帆一日一夜至雷州也 澄邁 隋縣

文昌 武德五年置平昌縣貞觀元年改為文昌

儋州下 隋儋耳郡武德五年置儋州領義倫昌化感恩富羅四縣
貞觀元年分昌化置普安天寶元年改為昌化郡乾元元年復為儋

州也 舊領縣五戶三千九百五十六 天寶戶三千三百九 至
京師七千四百四十二里與崖州同在海中洲上東至振州四百里

義倫 本漢儋耳郡城即此縣隋為義倫縣州所治也昌化隋縣
感恩 洛場 新置 富羅 隋毗善縣武德五年改置

瓊州 本隋珠崖郡之瓊山縣貞觀五年置瓊州領瓊山萬安二縣
其年又割崖臨機來屬十三年廢瓊州以屬崖州尋復置瓊州領曾

口樂會頹羅五縣天寶元年改為瓊山郡乾元元年復曰瓊州貞觀
五年十月嶺南節度使李復奏曰瓊州本隸廣府管內乾封年山洞

草賊反叛遂茲淪陷至今一百餘年臣令判官姜孟京崖州刺史張

少逸併力討除今以收復舊城且令降人權立城相竊以瓊州控壓賊洞請昇為下都督府加瓊崖振儋萬等五州招討遊奕使其崖州都督請停從之 領縣五戶六百四十九 兩京與崖州道里相類西南至振州四百五十里與崖州同在大海中也瓊山 州所治貞觀七年十一月省容瓊縣併入 臨高 本屬崖州貞元七年割屬瓊州 曾口 樂會 顏羅 後漸析置

振州 隋臨振郡武德五年置振州天寶元年改為臨振郡乾元元年復為振州也 領縣四戶八百一十九口二千八百二十一 至京師八千六百六里至東都七千七百九十七里東至萬安州陵水縣一百六十里南至大海西北至儋州四百二十里北至瓊州四百五十里東南至大海二十七里西南至大海千里西北至延德縣九十里與崖州同在大海洲中 寧遠 州所治隋舊 延德 隋縣 吉陽 貞觀二年分延德置 臨川 隋縣 范屯 新縣 萬安州 與崖儋同在大海洲中唐置萬安州失起置年月天寶元

年改為萬安郡至德二年改為萬全郡乾元元年復為萬安州領縣四無戶口西接振州界兩京道里與振州相類也 萬安 州所治至德二年改為萬全後復置 陵水 富雲 博遼 與州同置 赤土國 州南渡海便風十四日至雞籠島即至其國赤海中之一洲中 舟丹國 振州東南海中之洲舟行十日至

唐書志卷第二十一

左從政郎紹興府錄事參軍張嘉貞校勘

唐書志卷第二十二

職官一

劉 响 等修
聞人詮校刊沈桐同校

高祖發迹太原官名稱位皆依隋舊及登極之初未遑改作隨時署
置務從省便武德七年定令以太尉司徒司空為三公尚書門下中
書秘書殿中內侍為六省次御史臺次太常光祿衛尉宗正太僕大
理鴻臚司農太府為九寺次將作監次國子學次天策上將府次左
右衛左右驍衛左右領軍左右武侯左右監門左右屯左右領為十
四衛府東宮置三師三少詹事府門下典書兩坊次內坊次家令率
更僕三寺次左右衛率府左右宗衛率府左右虞候率府左右監門
率府左右內率府為十率府王公以下置府佐國官公主置邑司已
下並為京職事官州縣鎮戍兵瀆關津為外職事官又以開府儀同
三司從一品特進正二品左光祿大夫從一品右光祿大夫正二品散騎常侍從三

太中大夫正四品通直散騎常侍正四品中大夫從四品員外散騎常侍從四品

下品散大夫正五品散騎侍郎正五品通直散騎侍郎從五品員外散騎侍郎從五品

郎從五品下朝議郎承議郎正六品通議郎通直郎從六品朝請郎宣德郎正七品

朝散郎宣義郎從七品給事郎徵事郎正八品承奉郎承務郎從八品儒

林郎登仕郎正九品文林郎將仕郎從九品並為文散官輔國正二品鎮軍

從二品二大將軍冠軍正三品雲麾從三品忠武壯武宣威明威信遠游騎游

擊自正四品上十將軍為散號將軍以加武士之無職事者改上開

府儀同三司為上輕車都尉開府儀同三司為輕車都尉儀同三司

為騎都尉秦王齊王下統軍為護軍副統軍為副護軍上大都督為

驍騎尉大都督為飛騎尉帥都督為雲騎尉都督為武騎尉車騎將

軍為游騎將軍親衛驃騎將軍為親衛中郎將其勳衛驃騎准此親

衛車騎將軍為親衛中郎將其勳衛翊衛車騎並准此監門府郎將

為監門中郎將領左右郎將准此諸軍驃騎將軍為統軍其秦王齊

王下領三衛及庫直驅啞直車騎並准此諸軍車騎將軍為別將其

散官文騎尉為承議郎屯騎尉為通直郎雲騎尉為通直郎

為將仕郎武德九年罷天策上將府貞觀元年改國子

分將作為少府監通將作為三監八年七月始以雲麾將軍

品階九月以統軍正四品下別將正五品上十一年改令置太

傅太保為三師其三公已下六省一臺九寺三監十二衛東宮諸司

並從舊定又改以光祿大夫為從二品金紫光祿大夫為正三品銀

青光祿大夫為從三品正議大夫為正四品上通議大夫為正四品

下太中大夫為從四品上中大夫為從四品下中散大夫為正五品

上朝議大夫為正五品下朝請大夫為從五品上朝散大夫為從五

品下其六品下唯改通議郎為奉議郎自餘依舊更置驃騎大將軍

為從一品武散官輔國鎮軍二大將軍為從二品武散官將軍

加大字及雲麾已下游擊已上改為五品已上武散官又置昭武振

威致果翊麾宣節禦武仁勇陪戎八校尉副尉自正六品至從九品

副為六品已下武散官凡九品已上職事皆帶散位謂之本品職事

則隨才錄用或從閑入劇或去高就卑遷徙出入參差不定散位則一切以門蔭結品然後勞考進叙武德令職事解散官欠一階不至為兼職事卑者不解散官貞觀令以職事高者為守職事卑者為行仍各帶散位其欠一階依舊為兼與當階者皆解散官永徽已來欠一階者或為兼或帶散官或為守參而用之其兩職事者亦為兼頗相錯亂其欠一階之兼古命及其兩職事之兼古括反字同音異耳咸亨二年始一切為守自高宗之後官名品秩屢有改易今錄永泰二年官品其改易品秩者注於官品之下若改官名及職員有加減者則各附之於本職云

唐初因隋號武德三年三月改納言為侍中內史令為中書令給事郎為給事中內書省為中書省貞觀二十三年六月改民部尚書為戶部尚書七月改治書侍御史為御史中丞改諸州治中為司馬別駕為長史治禮郎為奉禮郎顯慶元年改戶部尚書為度支尚書侍郎為度支侍郎又置驃騎大將軍員從一品龍朔二年二月甲子改百司及官名改尚書省為中臺僕射為匡政左右丞為肅機左右司

郎中為成務吏部為司列主爵為司封考功為司績禮部為司禮刑部為司禮膳部為司膳主客為司蕃戶部為司元度支為司度倉部為司倉金部為司珍兵部為司戎職方為司域駕部為司輿庫部為司庫刑部為司刑都官為司僕比部為司計工部為司平屯田為司田虞部為司虞水部為司川餘司依舊尚書為太常伯侍郎為少常伯郎中為大夫中書門下為東西臺侍中為左相黃門侍郎為東臺侍郎給事中為東臺舍人散騎常侍為左右侍極諫議大夫為正諫大夫中書令為右相侍郎為西臺侍郎舍人為西臺舍人秘書省為蘭臺監為太史少監為侍郎丞為大夫著作郎為司文郎太史令為秘閣郎中御史臺為憲臺御史大夫為大司憲御史中丞為司憲大夫殿中省為中御府丞為大夫尚食為奉膳尚藥為奉醫尚衣為奉冕尚舍為奉展尚乘為奉駕尚輦為奉御並為大夫內侍省為內侍監太常為奉常光祿為司宰衛尉為司衛宗正為司宗太僕為司馭大理為詳刑正為大夫鴻臚為司文司農為司稼太府為外府州並

為正卿少府監為內府監將作監為繕工監大匠為大監少匠為少監國子監為司成館國子祭酒為大司成司業為少司成博士為宣業都水為司津監左右衛府左右驍衛府左右武衛府並除府字左右屯衛府為左右威衛左右領軍衛為左右戎衛武侯為金吾衛千牛為奉宸衛屯營為羽林軍詹事為端尹府門下典書為左右春坊左右庶子為左右中護中允為左贊善大夫洗馬為司經大夫中舍人為右贊善大夫家令寺為宮府寺率更寺為司更寺僕寺為馭僕寺長官並為大夫左右衛率府為典戎衛率府為司禦衛左右虞候率府為清道衛監門率府為崇掖衛內率府為奉裕衛七日又制廢尚書令改起居郎為左史起居舍人為右史著作佐郎為司文郎太史丞為秘閣郎左右千牛為奉宸司議郎為左司議郎太子舍人為右司議郎典膳藥藏內直監宮門大夫並改為郎太子千牛為奉裕總章二年置司列司戎少常伯各兩員咸亨元年十二月詔龍朔二年新改尚書省百司及僕射已下官名並依舊其東宮十率府有異

上臺諸衛各宜依舊為率府其左司議郎除左字其左右金吾左右威衛依新改永淳元年七月置州別駕光宅元年九月改尚書省為文昌臺左右僕射為文昌左右相吏部為天官戶部為地官禮部為春官兵部為夏官刑部為秋官工部為冬官門下省為鸞臺中書省為鳳閣侍中為納言中書令為內史太常為司禮鴻臚為司賓宗正為司屬光祿為司膳太府為司府太僕為司僕衛尉為司衛大理為司刑司農依舊左右驍衛為左右威衛左右武衛為左右鷹揚衛左右威衛為左右豹衛左右領軍衛為左右王鈐衛左右金吾衛依舊御史臺改為左肅政臺專知京百官及監諸軍旅并承認出使更置右肅政臺專知諸州察察垂拱元年二月改黃門侍郎為鸞臺侍郎文昌都省為都臺主簿為司封秘書省為麟臺內侍省為司宮少府監為尚方監其左右尚方兩署除方字將作監為營繕監國子監為成均監都水監為水衡監其詹事府為宮尹府詹事為太尹少詹事為少尹左右內率府為左右奉裕率府千牛為左右奉裕左右監

門率府為左右控鶴禁率府諸衛鎧曹改為冑曹司膳寺儲藏署改
為珍羞署十月增置天官侍郎二員又置左右補闕拾遺各二員三
年加秋官侍郎一員永昌元年置左右司員外郎各一員天授二年
增置左右補闕拾遺各三員通滿五員長壽二年增夏官侍郎三員
大足元年加營繕少匠一員左右羽林衛各增置將軍一員洛雍并
荆揚益六州置左右司馬各一員長安三年增置司勳員外郎一員
地官依舊置侍郎一員洛并及三大都督府司馬宜依舊置一員神
龍元年二月臺閣官名並依永淳已前故事廢左右司員外郎左右
千牛衛各置大將軍一員東都置太廟官吏增置太常大理少卿各
一員二年又置員外郎凡一千餘人超授闕官七品已上員外者又
千餘人十二月復置左右司員外郎各一員景雲二年復置太子左
右諭德太子左右贊善大夫各兩員雍洛及大都督府長史加為三
品階別駕致敬依前太極元年光祿大理鴻臚太府衛尉宗正各增
置少卿一員秘書少監國子司業少府少監將作少匠左右臺中丞

各增置一員雍洛二州及益并荆揚四大都督府各增置司馬一員
分為左右司馬開元元年十二月改尚書左右僕射為左右丞相中
書省為紫微省門下省為黃門省侍中為監雍州為京兆府洛州為
河南府長史為尹司馬為少尹錄事參軍為司錄參軍餘司改司為
曹五年九月紫微省依舊為中書省黃門省為門下省黃門監為侍
中二十四年九月改主爵為司封天寶元年二月侍中改為左相中
書令改為右相左右丞相依舊為僕射黃門侍郎為門下侍郎改州
為郡刺史為太守十一載正月改吏部為文部兵部為武部刑部為
憲部其行內諸司有部者並改改駕部為司駕改庫部為司庫金部
為司金倉部為司儲比部為司計祠部為司禋膳部為司膳虞部為
司虞水部為司水將作大匠為監少匠為少監至德二載十二月勅
近日所改百司額及郡名并官名一切依故事於是侍中中書令兵
吏部等並仍舊罷郡為州復以太守為刺史

正第一品

唐志五十一
太師太傅太保太尉司徒司空祀官職王爵武德九年省

從第一品

開府儀同三司文散官開府儀同三司及特進不帶職事太子太師
太子太傅太子太保祀官職驃騎大將軍武散嗣王郡王國公

正第二品

特進文散官輔國大將軍武散開國郡公爵武德令唯存公侯伯子男貞觀十一年加開國之稱也
上柱國勳官武德令有尚書今龍朔二

從第二品

尚書左右僕射太子少師太子少傅太子少保京兆河南太原等七
府牧大都督煬幽滯大都護職事官光祿大夫文散鎮軍大將

軍武散開國縣公爵柱國勳

正第三品

侍中中書令吏部尚書舊班在左相上下左右衛左右武衛
左右威衛左右領軍衛左右金吾衛左右監門衛左右羽林軍左右

龍武左右英武六軍大將軍左右千牛衛大將軍自左右衛已下

部禮部兵部刑部工部尚書武德令禮部次吏部兵部之民部

御史大夫舊班在秘書監九卿秘書監光祿衛尉太僕大理鴻臚司

農太府卿國子祭酒殿中監少府監將作監諸衛羽林入正三品千

牛龍武將軍下都督上州刺史京兆河南太原等七尹舊雍洛長史

從第三品

懷化大將軍顯慶三年置以授初上護軍勳

都督上都護並為上將軍金紫光祿大夫文散冠軍大將軍武

中官高力士素恩藝承恩遇特置內侍監兩負秩三品以授之

卿天寶初昇入太子詹事左右散騎常侍舊班從三品內侍監唐制

親王傳已上親王傳已上親王傳已上

親王傳已上親王傳已上親王傳已上

親王傳已上親王傳已上親王傳已上

親王傳已上親王傳已上親王傳已上

護軍武德令有天策上將九年省也

正第四品上階

黃門侍郎中書侍郎舊正四品下階開尚書左丞永昌元年進為正

黃吏部侍郎武德七年省諸司侍郎吏部郎中復舊為正四品上貞太常

少卿太子左庶子太子少詹事太子左右衛左右司禦左右清道左

右內率左右監門率府率中州刺史軍器監武德初為正三品七年

上都護府副都護上府折衝都尉武德八年復置九年又省

中武將軍武散上輕車都尉武散正議大夫文散開國伯武散

正第四品下階

尚書右丞永昌元年進為從三諸司侍郎太子右庶子左右諭德左

古千牛衛左右監門衛中郎將親勳翊衛羽林中郎將下州刺史武

武散壯武將軍武散

大夫武散

從第四品上階

秘書少監八寺少卿殿中少監太子左右衛司禦清道內率監門副

率太子親勳翊衛中郎將太子家令太子率更令太子僕內侍大都

護親王府長史武散宣威將軍武散

輕車都尉武散

從第四品下階

國子司業少府少監將作少匠京兆河南太原府少尹大都督府大

都護府親王府司馬尚州別駕武散中大夫武散明威將軍武散

復置別駕定中府折衝都尉武散中大夫武散明威將軍武散

策上將軍從事武散

正第五品上階

諫議大夫御史中丞武德令從五品上貞觀令加入正五品國子博

士給事中中書舍人太子中允太子左右贊善大夫都水使者萬年

長安河南洛陽太原晉陽奉先會昌縣令武德元年勅萬年長安令

為從五品貞親勳翊衛羽林郎將中都督府上都護府長史親王府
諮議參軍事武德令正軍器少監太史少監親王府典軍記郎將
軍武餘並為文未徵令親王典中散大夫散開國子爵定遠將
軍武餘四品下重拱令改入五品也

正第五品下階

太子中舍人尚食尚藥奉御太子親勳翊衛郎將內常侍中都督上
都護府司馬中州別駕下府折衝都尉配為武餘並為文也朝議大
夫文散寧遠將軍武散官武德令有天

從第五品上階

尚書左右諸司郎中武德令吏部郎中正四品上諸司郎中正
丞武德令正五品著作郎太子洗馬殿中丞尚衣尚舍尚乘尚輦御
獻陵昭陵恭陵橋陵八陵令武德諸陵令從七品下永徽二年加
依職也親王府副典軍下都督府長史下州別駕為武餘並為文也
開國男爵游擊將軍武散騎都尉武德令武德年七品下

永徽二年加從五品上
開元二十四年省也

從第五品下階

大理正太常丞太史令內給事太子典內正六品上下都督府上
州司馬武德令上州治中正親王友武德令正宮苑總監上牧監上
府果毅都尉武德令上職事官果毅駙馬都尉武德令武德令武德
尚公主者授之奉車朝散大夫散游擊將軍武散官武德令武德
有唐已來無其人
系軍九年省神龍令
有庫谷斜谷監也

正第六品上階

太學博士武德令從六品太子詹事府丞太子司議郎太子舍人中
郡長史武德令中州別駕從太子典膳藥藏郎京兆河南太原府諸
縣令武德令五品上貞觀年改也親王府掾屬武德令從五品下也
令武德令依上階開元年改中尚極年諸衛左右司階中府果毅都
尉鎮軍兵滿二萬人已上司馬武德令武德令武德令武德令武德
衛朝議郎文散昭武校尉武散驍騎尉武散

正第六品下階

千牛備身左右備官已上王公已下太子文學下州長史武德中下
六品貞觀二十三年改為長史承永淳元年諸州置別駕不察下亦長史也
載停別駕下郡置長史後上元二年諸州置別駕不察下亦長史也
中州司馬武德令中州治中從內謁者監中牧監上牧副監職事官
上鎮將武職事官武德承議郎官昭武副尉武職事官武德令有
省也

從第六品上階

起居郎起居舍人尚書諸司員外郎武德令吏部員外郎正六品上
改八寺丞大理司直國子助教武德令從城門符寶郎通事舍人祕
書郎武德令正著作佐郎武德令正侍御醫武德乾封令正七品上
改諸衛羽林長史兩京市署令武德四年進為從五品下州司馬武
令中下州治親王文學主簿記室錄事參軍武德令正六品下也諸
州上縣令職事官諸率府左右司階武職事官鎮軍兵不滿二萬人司馬
文職左右監門校尉親勳翊衛旅帥武職事官奉議郎武職事官振威校尉武職

飛騎尉

從第六品下階

侍御史舊從七品上少府將作國子監丞太子內直典設宮門郎太
公廟令司農寺諸園苑監下牧監宮苑摠監副互市監中牧副監武
事官下府果毅都尉武職事官親王府校尉武職事官通直郎武職事官振威副尉武職
正第七品上階

正第七品下階

四門博士詹事司直左右千牛衛長史尚食尚藥直長太子左右衛
司禦清道率府長史軍器監丞諸州中縣令京兆河南太原府司錄
參軍事大都督大都護府錄事參軍事親王府諸曹參軍武職事官
令親王府功曹倉曹戶曹兵曹參軍事等七品下也中鎮將武職事官
武散雲騎尉武職事官

正第七品下階

尚衣尚舍尚乘尚輦直長太子通事舍人內寺伯京兆河南太原府

大都督大都護府諸曹參軍中都督上都護府錄事參軍事諸倉諸
治司竹温湯監諸衛左右中候上府別將武德令改爲果毅聖曆三年復置
別上府長史武德令統軍長上鎮副武德令從下鎮將武德令正下
牧副監已上職事官中候別將鎮宣德郎散致果副尉武德令又有
天策上將府參軍事九年省又有
監池監井監諸王百司問事詔者

從第七品上階

殿中侍御史武德至乾封令並正左右補闕太常博士太學助教武
中下縣令親王府東西閣祭酒武德令正京縣丞陽奉先會昌太原
陽下都府上州錄事參軍中都督上都護府諸曹參軍事中府別將
長史中鎮副武德令正六品下已上職事左右監門直長勳衛太子
親衛衛官朝散郎散翊麾校尉武散武騎尉武散
從第七品下階

太史丞同御史臺少府將作國子監主簿御史臺國子監主簿

庭令官闈令上署令郊社太樂鼓吹太醫太官左藏令乘輿典客

署丞永徽二年加秩舊有太廟署丞武德爲九司農寺諸園苑副監

諸治副監官苑惣監丞下都督府諸曹參軍太子內坊丞舊正八品

改親王國令舊規流內正九公主家令舊規流內正八上州諸參軍

事下府別將長史下鎮將武德令從諸屯監武德令有芳醢監諸率

府左右中候鎮軍滿二萬人以上諸曹判司已上職事官別將鎮副

太子左右監門直長親王府旅帥諸折衝府校尉已上衛官武德令

也宣議郎散翊麾副尉武散

正第八品上階

監察御史舊從八品上協律郎諸衛羽林龍武軍錄事參軍事中署
令武德令有衣冠署令中州錄事參軍事太醫博士太子典膳藥藏
丞軍器監主簿武庫署丞舊從八品下兩京市署丞上牧監丞武德

八品下神龍令有庫谷鎮軍不滿二萬人以上諸曹判司記上文職
斜谷太陰伊陽監丞
翊衛太子勳衛親王府執仗執乘親事已上給事郎文散宣節校尉
武散官武德令有天策
上將府典籤九年省

正第八品下階

奚官內僕內府局令下署令太子原儀珍羞良醞掌醢守官武器車
渠拔甲坊神龍令又諸衛羽林龍武諸曹參軍事中州諸司參軍事

有干機二署令也

親王府京兆河南太原府大都督大都護府參軍事武德令親王府

雍州行參軍尚藥局司醫京兆河南太原府諸縣丞太子內直宮門

丞太公廟丞諸官農圃監互市監丞司竹副監司農寺諸園苑監丞

靈臺郎已上文諸衛左右司戈上戎主德令有武職事官武備身衛徵

事郎文散宣節副尉武散

從第八品上階

左右拾遺太醫署針博士四門助教武德令從左右千牛衛錄事參

軍下州錄事參軍武德令有中下諸州上縣丞中牧監丞武德令正

京縣主簿太子左右衛司禦清道率府錄事參軍中書省府上都護

府參軍親王府行參軍武德令正京兆河南太原大都督府博士德

從八品下諸倉諸冶司竹温湯監丞武德令有監池監井監丞保

章正已上文太子翊衛諸府旅帥已上諸府旅帥正七品下承奉郎文

官 御衛校尉武散

從第八品下階

大理評事律學博士太醫署醫監太子左右春坊錄事左右千牛衛

諸曹參軍內謁者太子左右衛司禦清道率府諸曹參軍事太子諸

署令掖庭宮闈局丞太史都水監主簿太史為局中書門下尚書都

省兵吏部考功禮部主事舊從九品上開元二十四年改上署丞武

令有考下都督府上州參軍事中都督府上州博士諸州中縣丞諸

王府典籤武德令正京縣尉親王國大司農舊規流內正第公王家

丞舊規流內正第諸屯監丞上關令上府兵曹上鎮倉曹兵曹參軍

事武德令有挈壺正已上文 中戍主上戍副率府左右司戈已上文

太子備身親王府隊正記上承務郎文散禦侮副尉武散

正第九品上階

校書郎永徽令加八從八太祝太子左右內率監門府錄事參軍太子內方典直中署丞典客署掌客親勳翊衛府羽林兵曹參軍事兵瀆令諸津令下牧監丞武德令正八品下神龍令有少苑丞諸州中下縣丞中郡博士武德令下正京兆河南太原府諸縣主簿武庫署監事並上聯事官武德令有策上從九品下儒林郎文散仁勇校尉武散其武軍監事從九品下太極年改也

正第九品下階

正字永徽令散入上階太子校書永徽令散入上階奚官內僕內府局丞下署丞尚食局尚醫尚藥局醫佐尚乘尚奉乘司庫司廩太司局司辰典既署主乘太子左右內率監門率諸曹參軍事太子三寺主簿簿序事府錄事龍朔年置太子翊衛府兵曹參軍事諸州下縣丞諸州上縣中縣主簿中州參軍事武德令正下州博士武德令州博士從九品上下京兆河南太原府諸縣尉上牧主簿諸官農圃監

丞中關令中府兵曹親王國尉德令有親王府鎮事及司丞武德令有諸衛左右執戟中鎮丘曹參軍下戍主已上職事官執並為諸折衝府隊正譚登仕郎散仁勇副尉武散

從第九品上階

尚書諸司御史臺秘書省殿中省主事奉禮郎律學助教太子正字弘文館校書太史司曆太醫署醫助致京兆河南太原府九寺少府將作監錄事都督都護府上州錄事市令宮苑摠監主簿中牧監主簿州中下縣主簿上縣中縣尉下府兵曹記文並郎武散

從第九品下階

內侍主事國子監親王府錄事太子左右春坊主事崇文館校書博士學博士算學博士門下典儀太醫署按摩呪禁博士太卜署博士太醫署針助教太醫署醫正太卜署正太史局監候親王國丞元初改從正流掖庭局宮教博士太子諸署丞太子典食署丞太

子典既牧署典乘諸監作諸監事計官太官署監膳太樂鼓吹署樂
正大理寺獄丞下州參軍事武德令中尉斬斬九品正中州下州醫
博士諸州中縣下縣尉京縣錄事下牧監主簿下關令中關丞諸衛
羽林長上公主邑司錄事諸津丞下鎮兵曹參軍武德令有諸率
府左右執戟毘上職事官長上執親王府隊副諸折衝府隊副衛官
將佐郎官文散陪戎副尉官武散流內九品三十階之內又有視流內起
居五品至從九品初以陸寶府親王國官及三師三公開府嗣郡王
上柱國已下護軍已上勳官帶職事者府官等品開元初一切罷之
今唯陸寶祿正二官而已又有流外自勳品以至九品以為諸司
令史贊者典謁亭長掌固等品視流外亦自勳品至九品開元初唯
留陸寶祿祝及府史餘亦罷之職事者諸統領曹事供命王命上下
相攝以持庶績近代已來又分為文武二職分曹置官各理所掌五
品已上舊制吏部尚書進用自隋已後則中書門下知政事官訪擇
聞奏然後下制授之三品已上德高委重者亦有臨軒册授自神龍

之後册禮廢而不用朝庭命官制勅而已六品已上吏部選擇錄
書官授之有唐已來出身入仕者著今有秀才明經進士明法書算
其次以流外入流若以門資入仕則先授親勳衛六番隨文武簡
入選例又有齋郎品子勳官及五等封爵也官之屬亦有番第許同
揀選天寶三載又置崇玄學習道德等經同明經例自餘或臨時聽
勅不可盡載其秀才有唐已來無其人職事官資則清濁區分以次
補授又以三品已下官及門下中書侍郎尚書左右丞諸司侍郎太
常少卿太子少詹事左右庶子秘書少監國子司業為清望官太子
左右諭德左右衛左右千牛衛中郎將太子左右率府左右內率府
率及副太子左衛率府中郎將配趾諫議大夫御史中丞給事中
中書舍人太子中允中舍人左右贊善大夫洗馬國子博士尚書諸
司郎中秘書丞著作郎太常丞左右衛郎將左右衛率府郎將配趾
起居郎起居舍人太子司議郎尚書諸司員外郎太子舍人侍御史
秘書郎著作佐郎太學博士詹事丞太子文學國子助教配趾左右

補闕殿中侍御史太常博士四門博士詹事司直太學助教比趾左
右拾遺監察御史四門助教比趾為清官自外各以資次遷授開元
中裴光庭為吏部尚書始用循資格以注擬六品已下選人其後每
年雖小有移改然相承至今用之武散官舊謂之散位不理職務加
官而已後魏及梁皆以散號將軍記其本階自隋改用開府儀同三
司已下貞觀年又分文武入仕者皆帶散位謂之本品以門資出身
者諸嗣王郡王出身從四品下親王諸子封郡公者從五品上國公
正六品上郡公正六品下縣公從六品上侯正七品上伯正七品下
子從七品上男從七品下皇帝總麻以上親皇太后周親出身六品
上皇太后大功親皇后周親從六品上皇帝袒免親皇太后小功總
麻親皇后大功親正七品上皇后小功總麻親皇太子妃周親從七
品上其外戚各依服屬降宗親二階叙諸娶郡生者出身六品上娶
縣主者正七品上郡主子出身從七品上縣主子從八品上一品子
正七品上二品子一正七品下三品子從七品上從三品子從七品

下正四品子正八品上從四品子正八品下正五品子從八品上從
五品及國公子從八品下三品以上蔭曾孫五品以上蔭孫降子
一等曾孫降孫一等諸秀才出身上上第正八品上上中第正八品
下上下第從九品上明經出身上上第從八品下上中第從九品上
進士明經出身甲第從九品上乙第從九品下若通二經已外每一
經加一等勳官預文武選者上柱國正六品上叙以下遞降一階凡
入仕之後遷代則以四考為限四考中中進年勞一階叙每一考中
上進一階一考上下進二階五品已上非恩制所加更無進之令自
武德至乾封未有泛階之恩應入三品者皆以恩舊特拜入五品者
多依選叙計階至朝散大夫已上奏取進止每年量多少進叙餘並
依本品授官若滿三計至即一切聽入至乾封元年文武普加二階
示淳元年二月勅文武官累積勞効計三品一計至者多未甄擢再
計至者隨例必昇賢愚一貫自今已後一計至已上者在官清慎狀
迹灼然材堪應務者所司且狀錄奏當與進階若公政無聞循默弘
自守及未經任州縣官者雖類經計至不在加階之限即為恒例弘
道元年又普加一階乃有九品職事及三衛階高者並入五品則天

朝泛階漸多始令仕經八考職事六品者許入萬歲通天元年勅自
今已後文武官加階應入五品者並取出身已歷十二考已上進階
之時見居六品官其應入三品人出身已二十五考以上進階見居
三品官無幾入五品又加至十六考神功元年制勳官品子流外國
官出身不得任清資要官應入三品不得進階開元已來伎術者經
二十考三省都事及主事錄事十八考亦聽敘吏部檢勘歷任階考
判成錄奏每制之日應入三品五品者皆令人參赴或是遠方牧宰
諸司閑職齋持金帛贈遺主典知加階令史乃有受納萬數者臺省
要職以加位為榮亦有遺主典錢帛者舊例開府及特進雖不職事
皆給俸祿預朝會行立在於本品之次光祿大夫已下朝散大夫已
上衣服依本品無祿俸不預朝會朝議郎已下黃衣執笏於吏部分
番上下丞使及親驅使甚為猥賤每當上之時至有為主事令史守
局鑰執鞭帽者兩番已上則隨番許簡通時務者始令參選一登職
已後雖官有代滿即不復番上勳官者出於周齊交戰之際本以

其後漸及朝流階爵之外更為節級周置上開府儀同
三司上儀同三司上儀同三司儀同三司等十一號隋文帝因周
更增損之有上柱國柱國上大將軍大將軍上開府儀同三司開府
儀同三司上儀同三司儀同三司大都督帥都督都督起正二品至
七品摠十一等用賞勳勞煬帝又改為左光祿大夫右光祿大夫金
紫光祿大夫銀青光祿大夫正議大夫朝請大夫朝散大夫建節在
武尉宣惠尉十一等以代都督已上又增置綬德懷仁守義奉誠立
信等五尉以至從九品武德初雜用隋制至七年頒令定用上柱國
柱國上大將軍大將軍上輕車都尉輕車都尉上騎都尉騎都尉騎
騎尉飛騎尉雲騎尉武騎尉凡十二等起正二品至從七品貞觀十
一年改上大將軍為上護軍大將軍為護軍自外不改行之至今永
徽已後以國初勳名與散官名同年月既久漸相錯亂咸亨五年三
月更下詔申明各以類相比武德初光祿大夫比今日上柱國左光
祿大夫比柱國右光祿大夫及上大將軍比上護軍金紫光祿大夫

及將軍比護軍銀青光祿大夫及上開府比上輕車都尉正議大夫
及開府比輕車都尉通議大夫及上儀同三司比上騎都尉朝請大
夫及儀同三司比騎都尉上大都督比驍騎尉大都督比飛騎尉帥都督
比雲騎尉都督比武騎尉自是已後戰士授勳者勳盈萬計每年納
課亦分番於兵部及本郡當上省司又分支諸曹身應役使有類僮
僕據今乃與公卿齊班論實在於胥吏之下蓋以其猥多又出自兵
卒所以然也武德初以諸道軍務事繁分置行臺尚書省其陝東道
大行臺尚書省令一人正第掌管內軍人摠判省事僕射一人從第
正第掌管令事左丞一人正第下右丞一人正第四掌分司糾正省
內都事一人從第七主事四人從第九品上諸並掌同京省兵部尚
書一人正第四品諸兼掌吏部事司勳郎中一人正第五品上主事
一人考功郎中一人主事一人兵部郎中一人主事二人駕部郎中
一人主事二人民部尚書一人兼掌禮部事禮部郎中一人主事一
人膳部郎中一人主事一人度支郎中一人主事二人倉部郎中

人主事二人工部尚書一人兼掌刑部事刑部郎中一人主事
都官郎中一人主事一人工部郎中一人主事一人屯田郎中一人
主事一人每郎中兼京省二司各片令史書令史及掌固並流外食貨監一人正
下諸掌膳羞財物賓客鋪設音樂醫藥事丞二人正第九品下農
監一人掌倉廩園圃柴炭芻藁運漕之事丞四人武器監十人掌兵
仗旣牧之事丞二人百工監一人掌舟車及營造雜作之事丞四人
各有錄事及府史典諸道行臺尚書省益州道襄州道東南道令一人
從第掌同陝東道大行臺僕射一人正第三品丞一人左右任置左
右丞從都事二人正第八主事二人兵部尚書一人從第三品兼掌
吏部禮部事考功郎中一人從第五品上主事二人從第九品下膳
部郎中一人主事二人兵部郎中二人主事二人民部尚書一人兼
刑部工部倉部郎中二人主事二人刑部郎中一人主事二人屯
田郎中一人主事二人每郎中兼掌京省三司各倉貨監一人從
第上武兼掌農圃監事丞一人兼掌百工事丞二人兩監各有錄事
監同

等並時秦王齊王府官之外又各置左右六護軍府及左右親掌帳
內府其左一右一護軍府護軍各一人正第四掌率統軍已下侍衛
陪從副護軍各二人從四長史各一人從七錄事參軍各一人從八
及外倉曹參軍事各一人兵曹參軍事各一人鎧曹參軍事各
一人並止九品流外統軍各五人別將各一人分掌領親勳衛及外
軍左二右二護軍府左三右三護軍府各減統軍三人別將六人餘
職員同左一右一府其左右親軍府統軍各一人正四掌率左右別
將侍衛陪從長史一人正八錄事參軍事各一人正九品上有錄事
兵曹參軍事各一人鎧曹參軍事各一人並正九品流外左別將各
一人右別將各一人趾陌掌率親事以上侍衛陪從其帳內府職貢
品秩與統軍府同又有庫直及驅啞直庫直隸親事府各於左右
內選才堪者量事置之武德四年太宗平洛陽之後又置天策上將
府官員天策上將一人掌國之征討摠判府事長史司馬各一人從
事中郎二人並掌通判府事軍諮祭酒二人謀軍事替相禮儀

賓客典籤四人掌宣傳導引之事主簿一人掌省覆敕命錄事二人
記室參軍事二人掌書疏表啓宣行教命功曹參軍事二人掌官員
假使儀式醫藥選舉考課祿恤鋪設等事倉曹參軍二人掌糧廩公
廩田園厨膳過所等事兵曹參軍事二人掌兵士簿帳差點等事騎
曹參軍事二人掌馬驢雜畜簿帳及收養支料草粟等事鎧曹參軍
事二人掌戎仗之事士曹參軍事二人掌營造及罪罰之事六曹並
中書令參軍事六人掌出使及雜檢校之事其陝東道大行臺尚書令
及天策上將太宗在藩爲之及升儲並省之山東道行臺武德五年
省餘道九年省

唐書志卷第二十二